


古

微

書

二





古 微 書  
(二)

孫 穀 編

古微書卷八

春秋演孔圖

此崑爲血書鳥圖而述也故以演孔立名而旁及帝王

正氣爲帝間氣爲臣宮商爲姓○後漢書郎顛傳注引作佐秀氣爲人類

聚十一御覽七十六又三百六十又六百二十一

天子皆五氣之精寶各有題序以次運相據起必有神靈符

紀諸神扶助使開階立遂是以王者常置圖籙坐旁以自正

也遂當作隧隧道也○初學記九御覽七十六

蒼頡四目是謂並明顛帝戴千是謂崇仁帝佶戴千是謂清

明堯眉八采是謂通明舜目重童是謂元景禹耳參漏是謂

大通湯臂三肘是謂柳翼文王四乳是謂含良武王齟齒是

謂剛強

○路史史皇紀注

按荀子帝堯長帝舜短文王長周公短仲尼長子弓短又  
仲尼面如蒙俱周公身如斷菑臯陶身如削瓜闕天面無  
見膚傳說身如植鰭伊尹面無須麋禹跳湯偏堯舜參牟  
子然桀紂長巨姣美而爲天下大僂是非容貌之患也莊  
子亦云闔跂支離無脰說衛靈公靈公悅之而視全人其  
脰肩肩甕瓮大癭說齊桓公桓公悅之而視全人其脰肩  
肩故德有所長而形有所忘後人慕古而過神其說則以  
爲聖人之有奇表耳其實形貌安足異于人烏知千歲之  
下而有傳陽虎其狀者不以爲眞夫子也

黃帝將興黃雲升於堂上文命之候元龍御雲天命於湯白



雲入房

注白雲金精。類聚御覽八百七十二

一曰天命之見候期門靈龜

穴庭元龍御雲

注靈龜虛虎也。穴庭者星入太微門元龍水精也。御雲者蓋召氣也。御覽八十二路史

夏后紀注

一曰天命湯白虎戲朝其終白虎在野御覽八十一

本湯地七十內懷聖明白虎戲朝

類聚九十九又曰夏民不康天

果命湯白虎戲朝白雲入房

御覽八十三

黑精用事百木共根

百枝木共一根。天下共一主之徵也。御覽九百五十二以為運斗樞文

黑帝治生五角之禽以觸民

注曰陽數五也。御覽九百十四

聖人在後曰望陽苞懷至德據少陽

文王子也。故曰在後嗣。曰在後。御覽百四十

有人叩金豐擊玉鼓駕六龍

鼓喻所行清嚴人服其威。初學記十六御覽

五百八

其人曰角龍顏姓卯金刀含仁義

卯金刀名為劉。中國東南去荆

州故為漢分也。類聚十二御覽八十七

戴玉英

玉英文帝之首表。象玉英而秀出。光中再日

光也再再中也漢含華曰仁雄出日月角爲仁人之雄傑既  
夜景移位復中支庶起也戴玉英且日角也  
謂明於天下○御覽八十八正  
文月角作角用注明字亦作用

按光中再者卽本方士新垣平日卻復中之誑而附以其  
說故知緯書多雜于漢儒不盡孔門

孔子母顏氏徵在遊大澤之陂睡夢黑帝使誥已已往夢交  
語曰女乳必於空桑之中覺則若感生邱於空桑首類尼邱  
山故名○類聚八十八御覽三百  
六十一又九百五十五

孔胄文曰制作定世符○御覽三  
百七十一

孔子長十尺大九圍坐如蹲龍立如牽牛就之如昴望之若

斗○御覽三百七十  
七又三百九十三

按古家語云叔梁紇年餘七十無妻顏父有三女顏父謂

其三女曰耶大夫身長七尺武力絕倫年餘七十誰能與之爲妻二女莫對徵在進曰從父所制將何問焉父曰卽爾能矣遂以妻之爲妻而生孔子三歲而叔梁紇卒近本家語本姓解叔梁紇其妾生孟皮字伯尼求婚顏氏禱尼邱山而生孔子十九娶于宋之并官氏生伯魚是叔梁紇故有妻而孔子故有兄也神孔子之生者則又過奇伏侯古今注云孔子生之夜有二蒼龍自天而下有二神女擊香霧於空中以沐徵在先是五老列於庭則五星之精有麟吐玉書於闕里人家云水精之子繼商周而素王出故蒼龍繞室五星降庭徵在知其爲異拾遺記所志亦同唯云蒼龍附徵在之旁因夢而生夫子天帝下奏鈞天之

樂列於顏氏之房空中有聲言天感生聖子故降以和樂  
笙鏞之音異於俗世也恐或出好奇之口未敢爲信

得麟之后天下血書魯端門曰趨作法孔聖沒周姬亡彗東

出秦政起胡破術書記散孔不絕子夏明日往視之血書飛

爲赤烏化爲白書署曰演孔圖中有作圖制法之狀○哀十四年公

羊傳注類聚九十八又曰孔子論經有鳥化爲書孔子奉以告天赤

爵集書上化爲黃玉刻曰孔提命作應法爲赤制○水經泗水注類聚

九十九又九十九御覽九百十四又九百二十二

何休注獲麟亦同又曰孔子仰推天命俯察時變却觀未

來豫解無窮知漢當繼大亂之後故作撥亂之法以授之

則幾於誣聖矣

孔子曰丘作春秋天授演孔圖中有大玉刻一版曰璇璣一

低一昂是七期驗敗毀滅之徵也

○御覽六百六

孔子曰丘援律吹命陰得羽之宮

○御覽十六路史黃帝紀注

孔子作法五經運之天地稽之圖象質之三王施之四海

○初

學記二十一御覽六百八又六百十

詩含五際六情宋均注六情卽六義也一曰風二曰賦三曰

比四曰興五曰雅六曰頌

○初學記二十一御覽六百九

仁義之道日月循環

○類聚一

驅除名政顛倒吾衣裳坐吾曲牀濫長九州滅六王至於沙

邱亡

○御覽六百九十六

按秦世有謠曰秦始皇何彊梁開吾戶據吾牀飲吾酒唾

吾漿餐吾飴以爲糧張吾弓射東牆前至沙邱當滅亡始  
皇旣坑儒焚典乃發孔子墓欲取諸經傳壙旣啟於是悉  
如謠者之言又言謠文刊在冢壁政甚惡之乃遠沙邱而  
循別路見一羣小兒輦沙爲阜問云沙邱從此得病

孟子生時其母夢神人乘雲自泰山來將止於嶧母疑視久  
之忽片雲墜而寤時閭巷皆見有五色雲覆孟子之居焉語

見拾遺記及  
宋書符瑞志

按玉鈐經人始受生值賢宿則賢值貴宿則貴故知聖賢  
之生皆不偶也相傳云微子感牽牛星顏淵感中台老子  
感火星張良感弧星樊噲感狼星子路感雷精而生又如  
傳說之死騎箕尾而上爲列星張華旣歿而中台一星爲



之閉則孟子泰山氣象降神而下固有由然

紫極宮內諸侯為外蕃三公為中輔○書鈔五十無紫極宮內四字

王者德政海內富昌則鎮星入闕○闕華闕之門當帝坐御覽八百七十二

天子舉賢則景星放於天○御覽八百七十二

天子官守以賢舉則鸞在野○類聚九十九御覽九百十六

鳳火之精也○初學記三十

麟木之精也蒼之滅也麟不榮也宋均曰麟水精生木故曰陰木氣好土土黃木青故

麟色青黃不榮謂見縷也○初學記廿九御覽八百八十九

麒麟鬪日無光宋均曰麒麟少陽之精鬪于地則日月亦將爭於上○御覽八百八十九

海精死彗星出海精魚彗星出則國樞極○御覽八百七十五

八政不中則天雨刀○御覽三百四十五又曰則人無唇人恃唇乃語命無陰不制

○御覽三則鐵飛○御覽八百六十八

覲者斗之亂精也斗失度則投覲見態主惑於毀譽天子外

苦兵威內奪臣無忠則天投覲○後漢書楊賜傳注續漢書五行志

蟪蛄月精也○御覽四

### 春秋合誠圖

此主赤龍一圖因而立名明夫天人之合皆有誠通而其象已先著於圖則龜馬之書皆不誤也故其述赤帝為多

伏羲龍身牛首渠肩達掖山準日角歲目珠衡駿臺翁鬣龍

唇龜齒長九尺有一寸望之廣視之專○廣博物志路史太昊紀

赤帝之為人視之豐長八尺七寸○初學記九路史陶唐紀注豐下兌上

龍顏日角八采三眸鳥庭荷勝琦表射出握嘉履翌窳息洞

通

○語見路史陶唐紀

蒼帝之爲人望之廣視之專而長九尺一寸

○初學記九

黃帝冠黃文白帝冠白文黑帝冠黑文

○初學記二十六

據宋均感精符注則赤帝爲堯黃帝爲舜白帝爲禹黑

帝爲湯蒼帝爲文王此不備錄者識圖之失傳也所云

冠黃文等皆圖所預載故論其奇昔漢祖斬蛇時有姬

旁哭曰吾兒白帝子爲赤帝子所殺此五帝感生之所

起乎誤此圖者附而益熾

黃帝德冠帝位

○文選典引注

赤帝之精生於翼

○初學記九

黃帝坐元扈洛水上與大司馬容光等臨觀鳳皇銜圖置黃

帝前帝再拜受圖

宋均注元扈石室名○初學記三十類聚九十九御覽九百十五

黃帝遊

元扈上洛與大司馬容光左右輔周昌等百二十人臨之有

鳳銜圖以置帝前圖以黃玉爲柙

○御覽四十三路史黃帝紀注

堯坐舟中與太尉舜臨觀鳳皇負圖授堯圖以赤玉爲柙長

三尺廣八寸黃金檢白玉繩封以兩端其章曰天赤帝符璽

五字

○初學記三十御覽二百七又九百十五路史餘論七

又赤龍負圖以出河見堯

與太尉舜等百二十臣集發藏之大籠

○此文又見運斗樞篇

上古之圖籙亦何數數也不直有畫且有字有語如述

異志所載陶唐之世越裳國獻千歲神龜方三尺餘背

上有文科斗書記開闢已來帝命錄之謂之龜歷此科

斗書跡皆從何來倘亦理之不可詰也

大帝之精起三河之州中土之腴

御覽七十六

堯母慶都有名於世蓋大帝之女生於斗維之野常在三河

之東南天大雷電有血流潤大石之中生慶都長大形像大

帝常有黃雲覆蓋之夢食不饑

夢一作蔑注云天地以氣食

及年二十寄

跡伊長孺家無夫出觀三河之首常若有神隨之者有赤龍

負圖出慶都讀之云赤受天運下有圖人衣赤光面八彩鬚

髮長七尺二寸銳上豐下足履翌宿署曰赤帝起成天下寶

一本作實奄然陰風四合赤龍與慶都婚有娠龍肖不見既乳視

堯如圖表及堯有知慶都以圖予堯

初學記十類聚九十八御覽五十五又八

又百三十五

賁居子曰履帝武敏歆如有人道說已怪矣至謂赤龍

與慶都婚而有娠又徵在夢黑帝請與已交不太誕乎  
然小說家有云唐肅宗爲太子時吳皇后之初侍寢厭  
久不寤呻吟氣不屬手掩其左脇曰夢中有神人長丈  
餘介甲操劍曰帝命吾與汝爲子自左脇劍決而入痛  
不可忍肅宗檢之於燭下則若有縫而赤者存焉遽以  
狀聞果生代宗據是則赤龍來婚之說亦或不誤也又  
釋家說中有投胎若男子於母起愛想當亦如是但其  
說圖人衣冠鬚眉皆見則似屬元裔難以臆占

大帝冠五彩衣青衣黑下裳抱日月日在上月在下黃色正

方居中聞名曰五光

御覽七十六

五光垂彩天下大嘉

御覽八十七十二

天皇大帝北辰星也含元秉陽舒精吐光居紫宮中制馭四



方冠有五采

○初學記二十六  
御覽六百八十四

中宮天極星其一明者太乙常居旁三星三公或曰子屬後

勾四星末大星正妃餘三星後宮之屬也

○通考二  
百七十八

紫宮大帝室太一之精也

○史記天官書索隱文選西都賦  
注甘泉賦注魯靈光殿賦注大將

軍讎會  
詩注

太微主法式陳星十二以備非常也

○史記天  
官書索隱

天文地理各有所主北斗有七星天子有七政也

○御覽五

按馬融註尙書云七政者北斗七星各有所主第一曰主

日法天第二曰主月法地第三曰命火謂熒惑也第四曰

煞土謂填星也第五曰伐水謂辰星也第六曰危木謂歲

星也第七曰罰金謂太白也日月五星各異故名曰七政

也

天理在斗中司三公也如人喉在咽以理舌語宋均曰斗為天之口舌主

出政教三公主道宣君命喻於人則宜如人喉在咽以理口舌使言有條理。後漢書李固傳注。

軒轅主雷雨之神旁有一星元戈名曰貴人旁側郎位主宿

衛尚書御覽五又十三

少微處士位史記天官書索隱王良主天馬也史記天官書索隱大陵

星主死喪魯恭傳注東井主水衡書鈔百五十獄漢主逐王

獄漢填星也御覽八百七十五五殘主出亡御覽八百七十五旬始主爭兵

御覽八百七十五

按天官書獄漢星出正北方之野星去地可六丈大而赤數動察之中青此四野星所出非其方其下有兵衝不利五殘星出正東方之野其星狀類辰星去地可六丈旬

始出於北斗旁狀如雄雞其色青黑象伏鼈

天子精耀心憤務德則景星見

憤猶盛也。御覽八百七十二

赤彗火精如火曜長七尺

御覽八百七十五

霹靂擊於宮殿者妃后爭政

御覽八百七十六

明堂在辰巳者言在木火之際辰木也巳火也木生數三火

成數七故在三里之外七里之內

御覽五百三十三

黃帝請問太乙長生之道太乙曰齋戒六丁道乃可成

選升

天行注書鈔九十  
御覽五百三十

古微書卷八終

古微書卷九

春秋文耀鉤

大率闡星耀而幽曲言之故曰鉤

東宮蒼帝其精為蒼龍南宮赤帝其精為朱鳥西宮白帝其

精為白虎北宮黑帝其精為元武○史記天官書索隱

春起青受制一作蒼帝春受制其名靈威仰夏起赤受制赤帝夏受制其

名赤熒怒秋起白受制白帝秋受制其名白招矩冬起黑受制黑帝

冬受制其名汁光紀季夏六月土受制一作黃帝受制王四季其名含樞

紐○周禮大宗伯疏傳疏三十一年穀梁傳疏

鎮星黃帝含樞紐之精其體璇璣中宿之分也○史記天官書索隱

中宮大帝其精北極星含元出氣流精生物也○史記天一官書索隱

曰中宮大帝其北極星下一明者爲太一之光含元氣以斗

布常是天皇大帝之號也。○周禮大宗伯疏咸池曰天潢五星五帝

車舍也。○宋注曰舍庫也五帝車之府庫初學記廿四御覽百九十一

按大象列星圖北極五星其第一星爲太子第二星最明者爲帝第三星爲庶子餘二屬後宮

文獻通考曰其第四星爲后宮第五星爲天樞卽紐星所爲北辰居其所也又太乙一星在紫宮門右天帝之神也

主戰鬪知人吉凶天乙一星相近亦天帝神也主使十六神知風雨水旱兵革饑饉疫疾灾害所生之國其勾陳六

星在紫微宮華蓋之下隋志云大帝之正妃張衡云大帝所居之宮也亦將軍之象也勾陳口一星曰天皇亦曰大



帝其神曰耀魄寶主御羣靈東萬機神圖也其星隱而不見見則爲災而此緯文以極星明者稱爲太乙又卽爲天皇大帝與合誠圖所稱大帝皆指北辰何所傳之殊異至於五帝之座亦不係五星張衡云帝坐有五一坐在紫微宮一座在大角一座在中心一座在天市垣一座在太微宮咸云帝座一曰神農所居不見則大人當其咎此文以鎮星爲含樞紐恐別有傳

斗者天之喉舌玉衡屬杓魁爲璇璣

○史記天官書索隱

布度定記分州繫象華岐以北龍門積石至三危之野雍州屬魁星大行以東至碣石王屋砥柱冀州屬樞星三河雷澤東至海岱以北兗州青州屬璣星蒙山以東至江南會稽震

澤徐揚之州屬權星大別以東至雷澤

一作大別以東至富春九江衡山雲夢

九江荊州屬衡星荆山西南至岷山北距鳥鼠梁州屬開陽外方熊耳以至泗水陪尾豫州屬搖光此九州屬北斗星有七州有九但堯青徐揚并屬二州故七星主九州也

○周禮保章氏

按徐整長歷云北斗七星星間相去九千里其二陰星不見者相去八千里也

關令內傳曰北斗一星面百里相去九萬里亦何寥闊之過矣石氏云一主秦二主楚三主梁四主吳五主燕六主趙七主齊毋乃近是

天官書曰杓攜龍角衡殷南斗魁枕參首用昏建者杓杓

自華以西南夜半建者衡衡殷中州河濟之閒平旦建者

魁魁海岱以東北也此其布度分州所自祖與

斗魁戴匡六星曰文昌宮為六府○史記天官書索隱初學記廿四書鈔百五十

按天官書一曰上將二曰次將三曰貴相四曰司命五曰

司中六曰司祿

亢為疏廟宋均云疏外也廟或為朝○史記天官書索隱

房心天帝之明堂布政之所出也○周禮大司樂疏

老人星見則主安不見則兵起王者安靜則老人星見○御覽五

又八百七十二人主偏黨不決則熒惑久留守於樞○觀象玩占經星二十八

舍

水土合則成爐冶爐成則火興火興則土之子焠金成銷

鑠金鑠則土無子無子輔父則益妖孽故子熈也

星經曰火與木合爲

焯與金合爲鑠水土合爲熈主孽鄉○史記天官書索隱

火守兩河閒兵起

○觀象玩占南方經星

春致其時華實乃榮

○文選西都賦注西征賦注登樓賦注間居賦注

商絃絕蠶

珥絲

○御覽八百廿五

女媧以下至神農七十二姓

○禮曲禮疏以爲宋注文曜鉤文

按譙周古史以爲伏羲以次有三姓始至女媧女媧之後

五十姓至神農神農至炎帝一百三十二姓是不當身相

接譙周以神農炎帝爲別人非古義也鄭元六藝論云燧

人至伏羲一百八十七代未知孰是

伏羲作易名官

○周禮疏序

高辛受命重黎說天文帝堯卽位義

和立渾儀夏后制德昆吾列神成周改號萇宏分官○續漢書律歷志

楚立唐氏以爲史官有蒼雲如蜺圍軫七蟠中有荷斧之人

嚮軫而蹲蟠猶周也楚驚唐史曰君慢命又簡宗廟命天命也軫於天文楚之

分也向之而居是慢命踞簡宗廟於是書遺炎烟耀於蒼雲精消無文軫火精雲

水氣圍軫水也晝日陽也炎火亦陽也遺之者蒙蟠所也火難勝水三陽併氣日火炎上宜消滅也文則蜺也○御覽二

百三十五又楚有蒼雲如霓唐史曰君慢令簡宗廟以無禮見患

七國俱謀皆懷屠君於是立禮正推禱醮於廟堂之前曰唐

史之策上滅蒼雲謂之神史也不以知道之原哉○書鈔五十五又

云太史唐勒以葭灰遺於地乃更拂滅之其蒼雲爲之半滅

又遺灰如前乃盡去之○事詞類奇天類一云楚有蒼雲如霓圍軫

七蟠中有荷斧之人向軫而蹲於是楚唐史晝遺灰而雲滅

故曰唐史之策上滅蒼雲

初學記一御覽八

白虹貫牛山管仲諫曰無近妃宮恐失權齊侯大懼去色黨

更立賢輔使后出望上牛山四面聽之以厭神位也

宋均曰山君位也虹蜺陰

氣也陰氣貫之君惑於妻黨之象也望謂祭以謝過也○後漢書楊賜傳注

王者往也神所向往人所歸落

類聚十一御覽七十六歸落作樂歸

庶人爭權赤帝之精

庶人謂劉項也御覽八十七

賈居子曰按天星之貴亦有遊戲人間如長乳星爲女

子浴於渭河而張寬知之又太乙星不見東方朔令迎

于海中會稽太守果見一人了角坐臥一紅蓮長丈餘

而手持一黃書至于太白竊織女侍兒爲天帝所捕抑



愈怪矣唐開元中北斗爲羣豕入渾天寺僧一行伺而掩之甕中尤可大噱要之神物變化亦復何常窮理未至其眇者未可以輕訶古人也唐史之術直其一端耳

春秋運斗樞

此專述璇璣不及衆星也故以斗命篇

伏羲女媧神農是謂三皇也皇者天天不言四時行焉百物生焉三皇垂拱無爲設言而民不違道德元泊有似皇天故稱曰皇皇者中也光也宏也含宏履中開陰布綱上合皇極其施光明指天畫地神化潛通煌煌盛美不可勝量

○風俗通皇霸

篇初學記九  
御覽七十六

按鄭元六藝論以伏羲女媧神農爲三皇引運斗樞之說

也宋均引甄耀度數燧人伏羲神農爲三皇禮含文嘉尙書大傳譙周古史考並同惟白虎通取伏羲神農祝融爲

三皇而孔安國則以伏羲神農黃帝爲三皇皆與鄭異

黃帝得龍圖中有璽章文曰天皇符璽

○路史夏后紀注皇作黃

又黃帝

坐元扈與大司馬容光觀鳳皇銜圖置黃帝前

○類聚四十七御覽二百

九

舜以太尉之號卽位天子五年二月東巡狩至於中州與三公諸侯臨觀于河黃龍五采負圖出置舜前也入水而

前去黃玉爲柙長三尺廣八寸有戶白玉爲檢黃金爲繩紫

芝爲泥封兩端章曰天皇帝符璽鳥文舜與大司馬禹臨侯

博望等三十人集發圖元色綈長三十二尺中有七十二帝

地形之制天文位度之差藏之大麓。○初學記六御覽六十一又八十一路史餘論

七黃龍從雒水出詣虞舜鱗甲成字舜令寫之寫竟去。此

文又見河圖挺佐輔篇赤龍負圖以出河見堯與太尉舜等百二十

人集發藏之大麓。○御覽二百七

賁居子曰地形天文固可圖而載矣七十二帝篇冊不  
太多乎天上烏文伊誰握管若不可辨則必非書若其  
可辨豈仍同人間篆迹也至以太尉臨侯爲疑則讓書  
者不陋至此安知秦漢官號不製自上古乎

北斗七星第一天樞第二璇第三璣第四權第五玉衡第六  
開陽第七瑤光第一至第四爲魁第五至第七爲杓合而爲  
斗居陰布陽故稱北斗。○史記天官書索隱禮曲禮上疏類聚一御覽五

按石氏星經篇一曰正星主陽德天子之象也二曰法星  
主陰刑女主之位也三曰令星主中禍四曰伐星主天理  
伐無道五曰殺星主中央助四旁殺有罪六曰危星主天  
倉五穀七曰部星主兵又一主天二主地三主火四主水  
五主土六主木七主金又樞爲天璇爲地璣爲人權爲時  
玉衡爲音開陽爲律搖光爲星兼此數義故謂之七政

太微宮有五帝座星

周禮大宗伯疏

五帝所行同道異位皆循斗

樞機衡之分遵七政之紀九星之法

初學記一御覽五

故天樞得則

景星見甘露零鳳凰翔朱草生

御覽五又八百七十二又八百七十三又九百十五

璇星得則嘉禾液

御覽八

璣星得則狐九尾

類聚九十九衡星

得則百獸率舞麒麟至靈龜躍萬人壽

初學記一類聚九十九權星得

則日月光鳥三足禮義循物類合御覽九百二十九瑤光得則

陵醴出元芝生類聚九百八十五並無醴字及生字江吐大貝

海出明珠御覽八百七十三

樞星散為麀為虎為象又為雲母初學記二十九御覽八百八又八百九十一又九

七百

璇星散為橘為薑御覽九百六十七

璣星散為雉為鷓為鶉為菽莢御覽九百二十七又九百二十一又九百二十四又九百

九十

玉衡星散為雞為鴟為兔為鼠散為李為桃為椒為荊為

榆又為菖蒲御覽九百七又九百十一又九百十八又九百

五十九又九百六十七又九百六十八又九百九十九

權星散為麋蕪○御覽九百八十三

瑤光散為象為麋為鳥○當為雀為燕為鵲○此二為鷹為

龜又為人參為鹿○御覽八百九十九又九百廿六又九百三十一

又九百九十一

行失樞星失德逆時則晝有異辛而不臭○御覽九百七十七

遠雅頌著倡優則玉衡不明菖蒲冠環雄雞五足李生瓜○初

學記三十類聚八十一御覽九百六十八又九百七十八又九百九十九

廢江淮山瀆之祠斬伐無度則瑤光不明人參不生服翼九

足服翼也彘生鹿○初學記廿九御覽九百四十六又九百九十一又瑤光攜則服翼

兩頭並翔○類聚九十七御覽九百四十六又行失瑤光則矛生角矛生角

則有赤風○書鈔百二十三又行失瑤光則兔出月○類聚九十五御覽九百七

按五星之降而爲人爲物爲石爲玉此多有也至於瓜果禽鳥皆繫七星而一失舉動卽應於璣衡惟此緯爲悉靈臺祕苑曰王者失道下將畔去則星畔天而隕以見其象將有兵凶則星墜爲鳥獸天下將亡則星墜爲飛蟲將大兵則星墜爲金鐵將水則星墜爲土主亡有兵則星墜爲草木兵起主亡則星墜爲沙有大喪則星墜爲龍又爲人星墜爲人而言者善惡如其言

王政和平則老人星臨國萬民以歌

○御覽八百七十二

日行失則雖當煖而寒日血濁霧天下小窳

○御覽三十四又八百七十八

政紀乖則蟾蜍月精四頭咸翔

咸翔爲妖也○御覽九百四十九

后族擅權月生足芒主勢奪於后族羣妃之黨橫僭則月盈

並出小月承大月羣姦在宮主若贅旒大月承小月近臣起

讒人橫陪臣執命三公望風御覽四又勢集于后族羣妃之黨

僭黃雲四合女訛驚邦又赤人刺房御覽八

黃帝行天樞則枉矢出射所謀御覽八

房爲龍角月蝕則見於大辰書鈔百七十五星孛賊起守大辰於

五堂亂兵填門三王爭周以分昭十七年公羊傳疏

牽牛神名略石氏云名天關荆楚歲時記

地動則見於天象四角主災月蝕則見書鈔百五十邑之淪陰

吞陽下相屠焉土躍沙城后黨盛也抄本書鈔百五十九

山者地基也文選鍾山詩注挽歌詩注張景陽雜詩注

德義少殘百家則鷄無頭御覽九四方煩擾小民失恩



虎銜魚

○御覽九百三十五

飛翔羽翮爲陽陽氣仁故烏反哺

○初學記三十御覽九百二十

椒桂合剛陽

也○椒桂陽星之精所生也合猶連體而生類聚八十九御覽九百五十七

椒桂連

名士起

○文選陶徵士誄注

粟五變以陽化生而爲苗秀爲禾三變而發謂之粟四變入

臼米出甲五變而蒸飯可食

○初學記廿六御覽八百五十

四時王者休王所勝者死相所勝者囚假令春之三月木王

水生木水休木勝土土死木王火相王所生者相相所勝者

囚火勝金春三月金囚

○周禮占夢疏引春秋緯

黃金千歲生黃龍青金千歲生青龍赤金千歲生赤龍白金

千歲生白龍元金千歲生元龍

○此條又見河圖延佐輔篇

按淮南子曰正土之氣也御乎埃天埃天五百歲生缺缺  
五百歲生黃埃黃埃五百歲生黃頊黃頊五百歲生黃金  
黃金千歲生黃龍黃龍入藏生黃泉黃泉之埃上爲黃雲  
陰陽相薄爲雷激揚爲電上者就下流水就通而合於黃  
海偏土之氣御乎清天清天八百歲生青曾青曾八百歲  
生青頊青頊八百歲生青金青金八百歲生青龍青龍入  
藏生青泉青泉之埃上爲青雲陰陽相薄爲雷激揚爲電  
上者就下流水就通而合于青海壯土之氣御于赤天赤  
天七百歲生赤丹赤丹七百歲生赤頊赤頊七百歲生赤  
金赤金千歲生赤龍赤龍入藏生赤泉赤泉之埃上爲赤  
雲陰陽相薄爲雷激揚爲電上者就下流水就通而合于

赤海弱土之氣御于白天白天九百歲生白巽白巽九百  
歲生白頌白頌九百歲生白金白金千歲生白龍白龍入  
藏生白泉白泉之埃上爲白雲陰陽相薄爲雷激揚爲電  
上者就下流水就通而合于白海化土○案淮南子作化土之氣御  
于元天元天六百歲生元砥元砥六百歲生元頌元頌六  
百歲生元金元金千歲生元龍元龍入藏生元泉元泉之  
埃上爲元雲陰陽相薄爲雷激揚爲電上者就下流水就  
通而合于元海

常占有經世史所明○續漢書律歷志

夏不田

○禮王制疏

按禮記疏鄭元釋之云四時皆田夏殷之禮孔子雖有聖

德不敢顯然改先王之法以教授於世若其所欲改具陰書於緯藏之以傳後王穀梁四時田者近孔子故也

月八日刺是謂害地有分民九日刺其饑民以食弱以兵行十日刺女子執政十一日刺其下有陰死者十二日刺其下昏亂十三日刺是謂始強得地十四日刺是謂不和其下女傷十五日刺是謂盛強其下多兵十六日刺是謂內弱臣叛其主十七日刺是謂滅法有兵十八日刺是謂溫犯十九日刺是謂陽衰陰治女執事二十日刺其地有土功二十一日刺是謂千里外有聚兵二十二日刺是謂始衰貴人多死二十三日刺是謂陰盛女子有主二十四日刺中有大謀二十五日刺是謂陰隱國有殃二十六日刺是謂多憂二十七日

刺是謂大饑二十八日刺是謂自伐有內亂

○觀象  
玩占月

星孛東方將軍謀王星孛西方羌胡叛中國星孛南方天下

兵起星孛北方夷狄內侵

○觀象玩  
占星雜變

彗星見委曲象旗王者征伐四方長竟天人主失天下



古微書卷十

春秋感精符

此言一切災祥皆精神之感召而天物來符故多述人事

天統十一月建子天始施之端也謂之天統者周以爲正地

統十二月建丑地助生之端謂之地統商以爲正人統十三

月建寅物大生之端謂之人統夏以爲正

御覽廿六又廿九

蒼帝之始二十八世滅蒼者翼也滅翼者斗滅斗者參滅參

者虛滅虛者房五星之精

宣二年公羊傳疏

宋均注云堯翼星之精在南方其色赤舜斗星之精在中

央其色黃禹參星之精在西方其色白湯虛星之精在北

方其色黑文王房星之精在東方其色青

孔子按錄書含觀五常英人知姬昌爲蒼帝精御覽八十四

按王勃作大唐千歲歷其大旨云以土王者五十代而一  
千年金王者四十九代而九百年水王者二十代而六百  
年木王者三十代而八百年火王者二十代而七百年此  
天地之長期符歷之大數也此豈於五運之祕有窺及耶  
不然何論之鑿也

人主含天光據璣衡齊七政操八極故君明聖天道得正則

日月光明五星有度

後漢書明帝紀注

人主與日月同明四時合信故父天母地兄日姊月

宋均注父天於

圖丘之祀母地於方澤之祭兄日於東郊姊月於西郊。後漢書李固傳注御覽一



三綱之義日爲君月爲臣也○白虎通日月篇

日者陽之精耀魄光明所以察下也月者陰之精地之理也

○左傳序疏文選月賦注又元皇后哀策文注御覽四

地爲山川山川之精上爲星辰各應其州域分野爲國作精

符驗也○御覽六符上有神字

王者上感皇天則鸞鳳至景星見○類聚九十九御覽八七十二又九百十五德

下淪於地則嘉禾興醴泉出○御覽八百七十三王者德洽於

地則朱草生食之令人不老○御覽八百七十三王者德澤旁流四表

則白雉見○類聚九十九御覽九百十七並脫去德澤二字

麟一角明海內共一主也王者不刳胎不剖卵則出於郊○文

選勸進表注初學記二十九類聚九十八御覽八百八十九又王者德及幽隱不肖斥退

賢人在位則至明於興衰武而仁仁而有慮禽獸有培窀非  
時張獵則至又明王動則有義靜則有容麒麟乃見並類聚九十

按徵祥記麟一角為天祿兩角為辟邪無角為符拔麟鳴

牡曰遊聖牝曰歸和夏曰扶幼秋曰養綏

日無光主勢奪羣臣以讒誅色赤如炭以急見伐又兵馬發

日暈黑則水淫溢 日朝珥則有喪孽 日已出若其入

而雲皆赤黃名曰日空不出三年必有移民而去者也並續漢

書五行志注羣臣恣則日黃無光羣臣爭則日裂人主排斥則

日夜出覽三御白虹貫日天下悉極文法大擾百姓殘賊酷

法橫殺下多相告刑用及族世多深刻獄多宿怨吏皆慘毒

取國多死孽天子命絕大臣爲禍主將見殺○並續漢書五行志注

君行非是則言不見從言不見從則下不治下不治則僭差

過制度奢侈驕泰天子僭天大夫僭人主諸侯僭上陽無以

制從心之喜上憂下刻常陽從之推設其跡考之天意則大

旱不雨而民庶大災傷○續漢書五行志注以爲考異郵文下五條同

國大旱冤獄結旱者陽氣移精不施君上失制奢淫僭差氣

亂感天則旱徵見

陰厭陽移君淫民惡陰精不舒陽偏不施○陽偏下怨徵也○據志注此六字亦

正在所以感之者上奢則求多求多則下竭下竭則潰君不

仁

火者陽之精也人合天氣五行陰陽極陰反陽極陽生陰故

應人行以災不祥在所以感之萌應轉旋從逆殊心也  
陰盛臣逆民悲情發則水出河決也

陰氣之專精凝合生雹雹之爲言合也以妾爲妻犬尊重九  
女之妃闕而不御坐不離前無由相去之心同與參駟房祗  
之內歡欣之樂專政失人施而不博陰精凝而見滅○並續漢書五

行志注以爲考異郵文

九月十月日色青則寒有雪雹○御覽十四

大

臣擅法雨雹○御覽十四

御覽十四

霜者殺伐之表季秋霜始降鷹隼擊王者順天行誅以成肅  
殺之威若政令苛則夏下霜誅伐不行則冬霜不殺草○續漢書

五行志注初學記二御覽十四

九女並譎則九虹並見后妃恣則澤爲海

○御覽六十八又八百七十八

妻黨翔則黃雲入國候今冬至日見黑雲有水雲黃白如人

頭照鏡之狀禍流

御覽八百七十七

失陽事則無雲而雨

四月純陽用事失陽故無雲而雨。御覽八百七十七

賁居子曰爲此書皆憂世之士也春秋之世亟僭亂故爲之尊主抑臣以示筆削西漢之季憂女謁矣故於女黨之戒三致意焉此必京房翼奉之流而託於緯書以

### 重其說

齊晉並爭吳楚更謀不守諸侯之節競行天子之事作衝車

厲武將輪有刃衡著劍以相振懼

宋均曰衡陷敵之車也輪有刃鑿輪著刃也衡馬輓

也。御覽三百三十六

強傑並侵戰兵雷合龍門溺驂

宋均曰龍門魯地名也時

與宋齊戰敗相殺血溺驂馬者也。文選登孫權故城詩注御覽三百十三

魯昭公時雉銜環入雉之爲言弟也喻昭公弟爲季氏入之

爲君也

○類聚九十九  
書鈔三十一

魯哀公時政彌亂絕不日食政亂之類當致日食之變而不  
應者譴之何益告之不悟故哀公之篇絕無日食之異

○後漢書

明帝紀注

冬至日人主與羣臣左右縱樂五日天下人衆亦家縱樂五  
日以迎日冬至人主致八能之士備人主乃使八士撞黃鐘  
之鐘擊黃鐘之鼓用馬革鼓員徑八尺一寸鼓黃鐘之瑟瑟  
用槐木瑟長八尺一寸吹黃鐘之律閒音以竽補竽長四尺  
二寸天地以和應黃鐘之音得蕤賓之律應則公卿大夫列  
士以德賀於人主因請政所行請五官之符管各受其質聲

之調者諸氣和則人主以禮賜公卿列士五日儀定天地之

氣和人主公卿大夫列士章之德則陰陽之晷如度數夏日

至之禮如冬至之禮舞八樂皆以肅敬為戒八音者雲門

卷大部大夏大護大武也黃鍾之音調諸氣和人主之音順則蕤賓之律

應磬聲和公卿大夫列士誠信林鍾之律應此謂冬至至成

天文夏日至成地理以下文闕當與易通卦驗參之。書鈔

冬至陰祁寒有雲迎日者來歲大美。御覽二十八

按京房律術曰夫五音生於本姓分爲十二律轉生三十

六律皆所以紀升氣效物類也天効以影地効以響卽律

也陰陽和則影至以律氣應則灰除是故天子常以冬至

御前殿合八能之士陳八音聽樂韻度晷影候鍾律權土

灰校陰陽冬至陽氣應則韻清影長極黃鍾通土灰輕而  
衡仰夏至陰氣應則韻濁影短極蕤賓通土灰重而衡低  
進退於先後五日之中八音之能各以候狀聞太史合封  
上効則和否則占

西秦東窺謀襲鄭伯晉戎同心遮之穀谷反呼老人百里子  
哭語之不知泣血何益

○文選運命論注

春秋考異郵

此篇則耑談物應耳郵與尤通

周天一百七萬一千里一度爲二千九百三十二里七十一  
步二尺七寸四分四百八十七分分之三百六十二

○晉書天文志

按晉志陸續云天東西南北徑三十五萬七千里此言周



三徑一也周禮日至之景尺有五寸謂之地中鄭元云凡日景於地千里而差一寸景尺有五寸者南戴日下萬五千里也以此推之日當去其下地八萬里矣日邪射陽城則天徑之半也以句股求弦法入之得八萬一千三百九十四里三十步五尺三寸六分天徑之半而地上去天之數也倍之得十六萬二千七百八十八里六十一步四尺七寸二分天徑之數也以周率乘之徑率約之得五十一萬三千六百八十七里六十八步一尺八寸二分周天之數也

冬至十一月陽之氣也陽立于五極于九五九四十五日一變風以陰合陽故八卦主八風相距各四十五日艮爲條風

震為明庶風巽為清明風離為景風坤為涼風兌為闐闐風

乾為不周風坎為廣莫風○周禮保章氏疏八風殺生以節翱翔

距冬至四十五日條風至條者達生也距猶起也自冬至後四十五日而立春此

風應其方而來生萬物陽以施惠之恩德四十五日明庶風至明庶者迎眾也言眾庶也

迎眾物而生之立夏之候也挫猶止也時養麥之屬秀四十五日清明風至清明者精芒挫收也

出已備故挫止其鋒芒收之使成實言萬物強盛也四十五日涼風至涼風者

者強也強以成之言萬物強盛也四十五日闐闐風至闐闐者

寒以閉也言陰寒收成萬物也四十五日闐闐風至闐闐者

當寒天收也秋分之候也闐闐盛也時四十五日不周風至

不周者不交也陰陽未合化也立冬候也未合化言消息純

閉塞而成冬也四十五日廣莫風至廣莫者精大滿也言冬物無見

者風精大滿美無偏風之爲言萌也其立字虫動於凡中者爲風覽九

按爾雅南謂之凱風東謂之谷風北謂之涼風西謂之泰

風又呂氏春秋北方曰寒風東北曰焱風東方曰滔風東

南曰薰風南方曰巨風西南曰淒風西方曰颶風西北方

曰厲風載名各異故併志之

條風至王者赦小過出稽留初學

日冬至辰星升日夏至井水躍初學記四

孟夏戴絰降陽銜表以期達蠶珥絲在四月故孟夏戴絰出

以任氣成天津也故戴絰出蠶期起注曰維而戴之明趨時

惟蠶是務珥吐也

立秋促織鳴女工急故促之御覽二十五又九百四十九

文選古詩十九首注並以下六

字爲  
注文

陰氣之專精凝合生電電之爲言合也御覽十四以妾爲妻陰

精凝而見戒也此文已見感精符篇強臣擅命夷狄內侮后妃專

恣刑殺無辜則天雨雪霜者陰精冬令也四時代

謝以霜收殺霜之爲言亡也物以終也御覽十四天雨木冰

貴臣將死也旱之爲言悍也隕驕蹇所致也聚百類

御覽三十五又火者陽之精也人火爲火天火爲災聚八類

十 河者水之氣四瀆之精也所以流化故曰河潤千里水

經河水注御覽六十一

黃星躄海水躍未均曰黃星土精土主安鯨魚死彗星合魚

陰陰生于水今出而死是時有兵相殺之祥也故天應之以妖彗御覽七又八百七十五 癡惑不明

雉生兔焉

御覽九百七

五殘類辰星有角見則政在伯

御覽八百七

五十

國皇大而赤類南極見則兵起天下急

旬始照其下

必有滅主

並御覽八百七十五

枉矢精狀如流星蛇行有尾

禮司

弓矢疏考工記

朝人疏

按晉志五殘出正東方星表有氣如暈有毛大而赤察之

而青主乖亡爲五方亦爲備急兵 國皇去地三丈如炬

火主內寇內難 旬始出北斗旁如雄雞其怒有青黑象

伏鼈見則臣亂兵作期十年聖人起伐羣猾橫恣 枉矢

類流星色蒼黑蛇行望之如有毛目長數匹著天見則謀

反之兵合以亂伐亂

下有謀則星入月

注地候星也書鈔百五十

諸侯謀叛則月生爪牙后

族專政則日月並照

御覽四

又后族專則土踊

御覽三十七

臣

恣盛地裂坼臣謀反偏刺日

續漢書五行志注御覽八百八十

虹蜺出亂惑棄和

荀爽書曰不謂夷之初旦明而未融虹蜺揚輝棄和取同後漢書李膺傳注

按晉志妖氣曰虹蜺日旁氣也斗之亂精主惑心主內淫

主臣謀君天子詘后妃顛妻不一

黃帝將興有黃雀赤頭立於日旁帝占曰黃者土精赤者火

榮爵者賞也明余當立大功乎黃赤者桑也

類聚九十九御覽八百七十

二又九百二十二

按黃膏黃祥俱不聖之咎而此於黃帝時為瑞殆不可解

僖公即位隕霜不殺草臣威強也又李梅實梅李大樹比草

為貴是君不能伐也定公即位隕霜殺菽菽者稼最強季氏

之萌

御覽十四又  
八百七十八

僖公三年春夏不雨於是僖公憂閉元服避舍率羣臣禱山川以六過自責紉女謁放下讒佞郭都等十三人誅傾人之吏受貨賂趙祝等九人釋更徭之逋罷軍寇之誅去苛刻峻文慘毒之教所蠲浮令四十五事曰方今天旱野無生稼寡人當死百姓何罪不敢煩民請命願撫萬民以身塞無狀禱已舍齊南郊雨大樹也

○定元年穀梁傳疏後漢書郎顛傳注黃瓊傳注

僖公二十九年秋昭三年冬並大雨雹時僖公專樂齊女綺畫珠璣之好掩月光陰精凝爲災異昭公專晉陰精用密故

災

○御覽八  
百七十八

襄公朝于荆士卒度歲愁悲失時泥雨暑濕多霍亂之病

實七百四十三

繆公卽位仲夏大寒冰錯亂甚也

御覽三十四

劉子單子折猛入城天王奔走尹氏立朝

御覽三百五十三獻金鈴

大戟五十張

龍門之下血如江

宋均注龍門戰在魯桓十三年御覽三百七十五

黃池之會齊晉前驅滕薛扶轂魯衛驂乘

書鈔百四十一御覽七百七十六

長狄兄弟三人各長百尺別之國欲爲君狄者陰氣時中國

衰有夷狄萌

文十一年穀梁傳疏御覽三百七十七

北狄之氣主生幽都

御覽七百七

西夷之氣如幡旗狀

書鈔百五十一

按繁露云春秋之法上變古易常應是而有天災者謂幸

國孔子曰天之所幸有爲不善而屢極楚莊王以天不見



災地不見孽則禱之於山川曰天其將亡予耶不說吾過極吾罪也以此觀之天災之應過而至也春秋之所獨幸也聖王賢君尚樂受忠臣之諫而況受天譴也

輿重救之地地傷不相動而踊故物淖者易變動抄本書鈔百五十九

鵠鵠者飛行居于陽夷狄之鳥穴居于陰御覽九百二十三

陰陽氣貪故題肩擊題肩鵠也御覽九百二十六金伐木故鷹擊雉御覽九百二十六

水滅火故螽蟴螽柔良之鳥螽爲水也御覽九百二十一土勝

水故守宮食蠶守宮生于土蠶藏屬坎水也御覽九百二十一螂蛆搏蛇螂蛆生于土蛇之物屬于坎御覽九百四

承石取鐵玦瑁吸喏類相致也喏芥也音若御覽八百七十六

貪擾生蝗續漢書五行志注

蠶陽物陽者火火惡水故蠶食而不飲桑者土之液木生火

故蠶以三月葉類會精合相食百二十五。陽立于三春故

蠶三變而後消死于三七二十一日故二十一日而隲齊民要

五術

二九十八主風精為蟲八日而化風烈波激故其命字從蟲

蟲之為言屈申也百四十四

三九二十七者陽氣成故虎七月而生陽立於七故虎首

尾長七尺般般文者陰陽雜也百九十一

七九六十三陽氣通故斗暹狗三月而生也宋均注狗斗構之所生也。初

學記廿九御覽九百四

狗三月而生陽生于三故狗各高三尺初學記廿九御覽九百四

按淮南子天一地二人三三三而九九八十一一主日

日數十二主偶偶以承奇奇主辰辰主月月主馬馬故十  
二月而生七九六十三三主斗斗主犬犬故三月而生六  
九五十四四主時時主彘彘故四月而生五九四十五五  
主音音主獫狁故五月而生四九三十六六主律律主麋  
鹿麋鹿故六月而生三九二十七七主星星主虎虎故七  
月而生二九十八八主風風主蟲蟲故八月而化

此語較備蓋卽緯書本文故錄之以相證

古微書卷十終

古微書卷十一

春秋潛潭巴

潛潭者水之沈深也巴又水之屈曲也蜀江學巴字而流蓋其遠也撰名若此弔詭之甚

天子有三寶謂璇璣玉衡律度也璇璣者轉舒天心玉衡者

平氣立常也御覽七十  
六書鈔渾儀

災之爲言傷也隨事而誅異之爲言怪也謂先發感動之也

○白虎通災變篇  
御覽八百八十五

君德應陽君臣得道叶度則日含王字含王字者日中有王字也王者德象日光所照

無不君臣和得道叶度則日月大光明天下和平上下俱昌

延年益壽御覽八  
百七十二

按漢文帝時日中有王字

日之將蝕則斗第二星變色微赤不明七日而蝕日蝕既君

行不常公輔不修德夷狄強侵萬事錯

續漢書五行志注引春秋緯

按南齊書日有五蝕謂起上下左右中央是也漢尚書令

黃香曰日蝕皆從西月蝕皆從東無上下中央者春秋魯

桓三年日蝕貫中上下竟黑疑者以為日月正等月何得

小而見日中鄭元云月正掩日日光從四邊出故言從中

起也

日蝕以甲子夷狄兵起

觀象玩占日

一云有兵敵強

續漢書五行志注

乙

丑食大旱

占玩

丙寅食久旱多有徵

志注

一云旱蝗

占玩

丁

卯早有兵

志注

戊辰地震陰盛已巳火災庚午憂火兵

占並玩

一云庚午食後火燒宮有兵辛未大水志注一云水潦占玩

壬申水滅陽潰陰欲翔志注諸侯相攻癸酉淫雨數降玩占並

一云連陰不解淫雨毀山有兵甲戌草木不滋王命不行並

志注乙亥陽不明冬無冰東國發兵丙子夏霜爲災丁丑三公

有罪戊寅天下大風已卯多盜庚辰有兵旱辛巳后妃有謀

並壬午久雨旬望癸未仁義不明志注甲申四月雨霜乙

酉賢臣消退君弱臣強司馬將兵反征其王丙戌多冤訟丁

亥有謀爲逆君臣無別玩占一云匿謀滿玉堂志注戊子宮

中有憂占玩一云宮室內姪雌必或雄已丑天下唱之志注並

一云下民憂庚寅將相憂骨肉相賊後有水玩占一云將相

誅大水多死傷辛卯臣伐其主壬辰江河決久霧連陰志注並

癸巳權不一甲午蟲螟爲害

玩占並

乙未天下多邪氣鬱鬱蒼

蒼

注志

丙申諸侯叛夷狄內侵歲旱丁酉侯王侵

玩占並

戊戌

有土殃主后死天下諒陰巳亥小人用事

志注並

庚子君有疑

辛丑主疑臣三公免壬寅大臣驕恣天下苦兵癸卯外國伐

王

玩占並

甲辰四騎脅大水

注志

乙巳東國起兵丙午民多流

亡

玩占並

丁未王者崩戊申地動諸侯爭強

志注並

巳酉有相疑

者庚戌臣下相侵辛亥有臣憂

玩占並

子爲雄壬子妃后專恣

女謀王

志注並

癸丑水潦爲敗

占玩

甲寅雷電擊殺骨肉相攻

乙卯雷不行霜殺草不長姦人入宮

志注並

丙辰山水大出夷

狄內攘丁巳其下有聚兵

玩占並

一云敗兵

志注

戊午久旱傷

穀巳未王失其土庚申夷狄相侵辛酉姦邪欲謀妃主

玩占並



一云女謀王注壬戌羣小用事君子繫癸亥王者憂疑並

占玩一云大人崩注

按史記天官書甲乙四海之外日月不占丙丁江淮海岱也戊巳中州河濟也庚辛華山以西壬癸恒山以北日食國君月食將相當之漢志則云甲齊乙東夷丙楚丁南夷戊魏巳韓庚秦辛西夷壬衛癸越子周丑翟寅楚卯鄭辰晉巳衛午秦未宋申齊酉魯戌趙亥燕淮南子又云甲戌燕也乙酉齊也丙午越也丁巳楚也庚申秦也辛卯戎也壬子趙也癸亥胡也戊戌巳亥韓也巳酉巳卯魏也戊午戊子八合天下也

武密占曰日食以子日兵起丑寅卯皆旱辰兵巳火災午

兵未水申酉皆爲兵戍草木傷亥小人用事又日日食自  
日出至食時宋鄭當之食時至禺中楚當之禺中至日缺  
秦當之日缺至晡時魏當之晡時至日入燕當之日入至  
人定代當之皆爲不出三年其下有大喪云

賁居子曰此皆古窮理達數者之言也其源皆出於緯  
書故可互參

君德應陽則醴泉出焉

百七十三以  
御覽八

璇星得則醴泉出

御覽八

爲運斗樞文

君臣和得道叶度中則筮脯生於庖廚

百七十三  
御覽八

里社鳴此里有聖人出其响百姓歸之天辟亡

宋均曰里社  
之鳴則教令

行教令行惟聖人能之也响鳴之怒者聖人怒則天辟亡矣  
湯起放桀時蓋此祥也。文選運命論注類聚十御覽百五

十七又四百一又五百  
三十二又八百七十三

火從井出有賢士從民起

火明賢者象賢者屈滯象從井出  
初學記二十五御覽八百六十

九

鳳行鳴曰歸嬉止鳴曰提扶夜鳴曰善哉晨鳴曰賀世飛鳴

曰郎都

○廣博物志

按宋書瑞應志鳳晝鳴曰滿昌昏鳴曰固常夜鳴曰保長

○案原刻此下復衍舉鳴曰上期  
三句蓋涉下而誤今依陳本刪去又何法盛徵祥記鳳晨

鳴曰發明晝鳴曰保長舉鳴曰上翔集鳴曰歸昌昏鳴曰

固常雄鳴曰卽卽雌鳴曰足足一鳳也而鳴聲各異豈皆

從伶倫悉其音耶抑有介葛盧者從旁而析其語耶

天赤有大風發屋折木兵大起行千里

○御覽八百七十六

大霧三十日羣猾起上下相蒙上少下多故羣猾起御覽十五

疾風拔木讒臣恣忠臣辱御覽九又八百七十六

雲色沐沐不濁賢人去位小人得祿御覽八百七十七

大雪甚厚必有女主天雪連月陰將作威也宋注雪為陰臣道文選雪賦注

陽制於陰故水為雨書鈔百五十一

虹出后妃陰脅主初學記二續漢書五行志 虹五色迭至照於宮殿

有兵革之事初學記二續漢書五行志

霹靂擊宮君精泄下有謀起泄失也御覽八百七十六

枉矢出臣不忠御覽八 枉矢或南或北無聚眾伐戰國

御覽八 枉矢黑軍士不勇疾流腫矢當陽光明今黑有見喪之氣則腫死也

御覽七 百四十三

天子文繡布地地必動絕無嗣

○初學記廿七御覽八百十五

河水逆流怨氣盛也

○類聚三十

水逆流陰氣盛不及上令其

揚沙下不爭天子失道聖人受命

○抄本書鈔百五十九

宮桂鳴下土諸侯號有聲

桂好木植於宮中猶天子封有聲響者為諸侯今乃鳴是成其聲名

於下土之祥 ○類聚八十九 御覽九百五十七

宮瓦自墮諸侯強凌主

○續漢書五行志

又宮瓦自墮至地不祥

○御覽百八十八

宮有牛鳴政教衰諸侯相并牛兵之符也

○御覽八百九十九

白狐至國民利不至下驕恣

○初學記廿九類聚九十九御覽九百九

下不廉蜚廉之草為不生

○御覽九百九十四

蟋蟀集天子無遠兵

○御覽九百四十九

朝有大蜂武士中蜂赤強黑不梁

蜂有刺毒以扞難武士象也梁或為良○類聚九十

七

女子化爲丈夫賢人去位君獨居丈夫化爲女子陰氣淖小

人聚

御覽八百八十七

爲國家者亂五行之度失五常之性則填星爲動而地震矣地震則陰類應之人心恐懼當爲寇至臣專女橫其災大喪而社稷憂也

春秋說題辭

此誤書者統諸緯之義而繹其文也

河以通乾出天苞洛以流坤吐地符河龍圖發洛龜書感王

者沈禮焉故圖有九篇書有六篇

水經洛水注易繫辭傳疏

六經所以明君父之尊天地之開闢皆有教也

類聚五十五

尚書者二帝之迹三王之義所以推其期運明授命之際書之言信而明天地之情帝王之功凡百二篇第次委曲尚者

上也上世帝王之遺書也

○初學記廿一書鈔九十五御覽六百九

易者氣之節含五精宣律歷上經象天下經計歷文言立符

象出期節象言變化繫設類跡

○書鈔九十五御覽六百九

詩者天地之精星辰之度人心之操也在事爲詩未發爲謀

恬淡爲心思慮爲志故詩之爲言志也

○詩譜序疏書鈔九十五御覽六百九

禮者所以設容明天地之體也

○書鈔八十初學記十三御覽五百二十三

禮得則天下咸得厥宜陰陽滋液萬物調四時和動靜常用

不可須臾惰也

○書鈔九十五

春秋經文備三聖之度

○初學記廿一書鈔九十五

孔子曰伏羲作八卦巨合而演其文瀆而出其神作春秋以

改亂制○公羊序疏引春秋說

孔子作春秋一萬八千字九月而書

成以授游夏之徒游夏之徒不能改一字

○昭十二年公羊傳疏引春秋說

孝經者所以明君父之尊人道太素天地開闢皆在孝也非人

父不生非母不長天地開闢而生人人承天地是故親生膝下以養父母○此注原刻混入正文今校正○御覽六百十

孔子謂子夏曰得麟之月天當有血書魯端門孔聖沒周室

亡子夏往觀逢一郎云門有血飛爲赤鳥化而爲書

○廣博物志

按拾遺記浮提之國獻神通善書二人乍老乍少出肘間

金壺四寸壺中有黑汁如淳漆灑地及石皆成篆隸科斗

之字記造化人倫之始佐老子撰道德經及金壺汁盡二

人刳心瀝血以代墨焉遞鑽腦骨取髓代爲膏燭及至經



成功畢二人亦不知所往顧孔子之書何以莫贊一辭也  
安知顏淵冉牛輩不卽浮提善書之神而人特不知測耶  
天之爲言鎮也居高理下爲人鎮也羣陽精也合爲太乙分  
爲殊名故立字一大爲天○御覽一云天之言鎮也居高理下  
爲人經緯故其字一大以鎮之也○爾雅釋天釋文地之爲言媿也  
承天行其義也居以下爲位道之經也山陵之大非地不制  
含功以牧生也○御覽三十六

星之爲言精也陽之榮也陽精爲日日分爲星故其字曰下

生爲星○禮月令疏初學記一類聚一御覽五

雲之爲言運也動陰路觸石而起謂之雲含陽而起以精運

也○初學記一御覽八

山之爲言宣也含澤布氣調五神也○初學記五類聚七御覽三十八又陰

含陽故石凝爲山○水經注四十

周易艮爲山爲小石石陰中之陽陽中之陰陰精輔陽故山

含石石之爲言託也託立法也○初學記五書鈔百六十御覽五十一

山有水石精流以生木木含火故山有魄火生土故地有載

石○書鈔地

陵之爲言稜也輔山成其廣層稜扶推益厥長也○御覽五十三

邱者墓也又曰邱谷輔氣元士扶化○並御覽五十三原者端也平

而有度也○宋均曰度法則也御覽五十七下濕者隰也下澤也○御覽五十七

引作下濕日隰隰○水經汾水注在高平曰大原○水經汾水注在廣延曰

大鹵○水經汾水注引廣雅曰大鹵太原也孫氏讀誤本水經以雅爲延遂截此五字爲說題辭文失考甚矣

河之爲言荷也荷精分布懷陰引度也

○水經濟之爲言齊

也齊者度也度者貞也

○濟水注

涓之爲言布也涓涓流行兒

○初學

洛之爲言繹也繹其耀也言水繹繹光耀也

○初學

○初學

淮出桐栢淮者均也均其勢

○水經淮水注

汝出猛山

汝之爲言女也

○女取其生孕也

○御覽六十三

按此詮釋文義似助元命包而拾其遺者

盛陽之氣溫煖爲雨陰氣薄而膏之則合而爲雹盛陰之氣凝滯爲雪陽氣薄而膏之則散而爲霰

一歲三十六雨天地之氣宣十日小雨應天文也十五日大

雨以斗運也

○類聚二

大節二十四小節十二功德分也故

一歲三十六雨

○御覽八

按梁元帝纂要疾雨曰驟雨徐雨曰霽雨久雨曰苦雨亦曰愁霖雨晴曰啓雨水曰潦雨

天文以七列精以五故嘉禾之滋莖長五尺五七三十五神盛故連莖三十五穗以成盛德禾之極也禾者銜滋液也初

學記廿七御覽  
八百三十九

稻之爲言藉也稻冬含水盛其德也故稻太陰精含水漸洳乃能化也江旁多稻固其宜也稻包裏也稻非水不生故曰陰精也。御覽八百三十九

麥之爲言殖也寢生觸凍而不息精射刺直故麥含芒事且立也御覽八百三十八菽者屬也春生秋熟理通體屬也菽赤黑

陰生陽大體應節小變象陽色也御覽八百四十一精移火轉生黍

夏出秋收黍者緒也故其立字禾入米爲黍御覽八百四十二酒

之言乳也所以策身扶老也

○書鈔百四十八

孔子言曰七變入

曰米出甲謂磴之爲糲米也舂之則粃米也舂之則鑿米也

音普各切齊

謂春爲首之則穀米也又藁擇之暘嗟

音蕩

之則爲晶

米

按九章算法云粟五十爲糲三十粃二十七鑿二十四御

二十一皆三之一也米之細者乃窮於御通於鑿楊桓六

書統曰粃米五升舂爲四升曰穀爲五減而四也古篆作

象四○以見意小篆作𠄎穀米減而三曰晶古篆作

象三○以見意糲而鑿鑿而穀穀而晶細之極也窮於御

言其可御於君也

麻之爲言微也陰精寢密女作織微也麻生於夏夏衣物成

禮儀故麻可以爲衣陽成於三物以化故三變縷布加也

未均

曰麻須陰以成夏枝葉成謂之衣亦夏生可作衣也三變謂麻生成形一變也漚取皮二變也績成爲縷三變也○御覽

九百九十五

地精爲馬十二月而生應陰紀陽以合功故人駕馬任重致

遠利天下月度疾故馬善走

○初學記二十九

斗星時散精爲彘

四月生應天理

○初學記二十九御覽九百三十九

羊者詳也合三而生以養

生也故羊高三尺

○初學記二十九御覽九百二十九

雞爲積陽南方之象火陽精火炎上故陽出雞鳴以類感也

雞之爲言佳也佳而起爲人期莫寶也

○初學記三十類聚九十一御覽九百十八

八

促織爲言趣織也織興事遠故趣織鳴女作兼

○御覽九百四十九

雁之言雁雁起聖以招期知晚蚤故雁南北以陽動也雁雁音聲

也聖王聞雁雁有音聲知為時節雁為隨日南北以常動也○御覽九百十九

鶴所以壽者無死氣於中也鶴知夜半鶴水鳥也夜半水位感其生氣則益喜而

鳴○初學記三十類聚九十御覽九百十六

猩猩者矜精者也故能言可使陽烈之類以檢下矜謂使人自矜莊精

審也猩猩言說人善惡是陽氣之烈好善而惡惡佐王者所以檢下也○御覽九百八

孔子曰德合元者稱皇皇象元道造術無文字德明諡合天

者稱帝河洛受瑞可放仁義合者稱王符瑞應天下歸往此

條見成八年公羊傳注惟孔子曰皇象元道造術無文字德明諡十五字為春秋說文餘皆何休語也孫氏并取之誤

朝者不占而到諸侯秉政尊卑有序各來朝講文德明禮讓

天下法制四方受度會者所以興德明義考遺廢於天下初

學記十四類聚三十九書鈔  
八十一御覽五百三十八

號者功之表謚者行之迹所以追勸成德使尚務節○類聚四十一

伐人者國內行威有所斬壞伐之爲言敗也○類聚五十九御覽三百四十九

葬尸下藏也人生於陰含陽光死入地歸于陰也○御覽五百五十三

知生則賄知死則賄賄之爲言助也賄之爲言覆也輿馬曰

賄貨財曰賄玩好曰贈決其意也衣被曰褻養死具也贈稱

也褻遺也○御覽五百五十五口實曰含緣生象食孝子不忍虛其欲

不忍虛故欲實其口天子以珠諸侯以玉大夫以璧士以貝含之爲言

實其口含也○生常食故死含象所食○初學記十四文五年公羊傳注御覽五百四十九

孔子卒以所受黃玉葬魯城北○水經泗水注御覽八百四

古微書卷十一終



古微書卷十二

春秋漢含孳

賁居子曰昔翁難雉乙卜於白若之龜猶知夏之後有商商之後有周謂孔子之後不應知有漢亦謬也顧可以言漢亦可以言晉魏可以言晉魏亦可以言唐若宋若今日若無窮際矣謂書出漢儒又不應如是之膚固知是商瞿臂輩偶然而推故訖於漢

天子所以昭察以從斗樞禁令天下繼體守文宿思以合神

保長久

○初學記十三類聚二十九

天子受符以辛日立號冢宰奉圖宗人共觀九日悉見後日之過方來之害以告天

受符謂應期之人當起者之符代行其錄運者也

曰請封禪

到岱宗晝期過數告請命

封封泰山禪禪梁父  
御覽五百三十六

經十有四年春西狩獲麟赤受命倉失權周滅火起薪采得

麟○公羊序疏  
鹿引春秋說

孔子曰丘覽史記援引古圖推集天變為

漢帝制法陳敘圖錄

又

巨水精治法為赤制功

又

黑龍生為

赤必告爾象使知命

○並公羊序  
疏引春秋說

有人握卯金刀在軫北

字季天下服卯在東方陽所立仁且明金在西方陰所立義

成功刀居右字成章刀擊秦枉矢東流水神哭祖龍死

○文  
選西

都賦  
注

諸如此說皆疑於夫子之不王也不知自商瞿一卦曰子

有聖智而無位夫子已歎訖而息志矣賁居子曰昔夫子

適周見老聃意欲相招以力挽氣運更始太平也老氏一

見夫子曰營四海心竊鄙之遂望望焉西去而不顧於是  
聖人之氣不在於中夏而集於遠夷矣故夫子亦欲遊九  
夷從鳳嬙焉及聞太子晉之上賓也睠然嗟曰明王不作  
天下其莫能宗乎以此感於鳳不至也使子晉無死將法  
堯禪舜與曰聖人亦不能爲時子晉之語師曠已云一姓  
不再興矣然則夫子亦安能爲東周哉惟有作春秋已耳

房心爲明堂天王布政之宮

○史記天官書索隱以爲說題解文

少微之北

大夫位爲帝者佐也

○書鈔五十六

三公在天爲三台九卿爲北斗故三公象五嶽九卿法河海  
二十七大夫法山陵八十一元士法谷阜合爲帝佐以匡綱

紀○後漢書劉聖公傳注御覽二百六

強幹弱流天之道也

宋均曰流猶枝也  
○文選西都賦注

水火交感陰陽以設夫婦象也妻象太陰臣法金位金陰中

喻臣位水能純柔純柔妻象也  
○御覽五百二十

臣子謀日乃食

○續漢書五行志注

陽弱辰逆太白經天

陽弱君柔不堪也  
○

續漢書天文志注

女主盛制命則地動坼畔震起山崩淪

○續漢書五行志

九卿阿黨擠排正直驕奢僭害則江河澆決

○續漢書五行志

專一精并氣凝為雹

宋均曰謂若魯僖公脅于齊以妾為妻  
尊重齊賤無迴曲之心感陰水氣乃使

結而不解散  
○初學記二御覽十四

穴藏之蟻先知雨陰暘未集魚已噉喙巢居之鳥先知風樹

木未搖禽已羽翰

○文選張茂先情詩注

蝗起於貪蝨者飛而甲爲害故天雨蝨則形法醜

○類聚百形作刑

螟應苛剋

○類聚百

斷木寒水泥土當根

注泥土穿土出泥也抄本書鈔百五十九

雩祭禱辭曰萬國今大旱野無生稼寡人當死百姓何謗不

敢煩民請命願撫百姓以身塞無狀

○此文已見考異郵篇

請雨祝曰昊天生五穀以養人今五穀病旱恐不成敬進清

酒搏脯再拜請雨雨幸大澍

○語見繁露第七十四篇

春秋佐助期

此主爲炎漢佐命豫識其籙故蕭何之狀現于圖文當

時必併及諸傑後不傳耳

天子法斗諸侯應宿

○御覽七十六

諸侯上象四七三公寅亮參兩四七二十八宿也參兩天地

也

古語曰月麗于畢雨滂沱月麗于箕風揚沙

○詩漸漸之石疏引春秋緯

武露布文露沈

注云甘露降其國布散者人尚武沈重者人尚文○初學記一

角爲天門左角神名其名芳右角神名其光率

○抄本書鈔百五十

亢爲朝廷房爲四表布三公道

○書鈔百五十

尾箕爲后宮之長

奎主武庫 婁主苑牧

昴主獄事

天女主布帛

虛

主禮堂 營室主軍糧

鬼主神明

柳主教令

○並書鈔百五十

咸池主五穀

○御覽八百三十七

昴畢爲天街

○抄本書鈔百五十

織女神名收陰

○荆楚歲時記

廢星傳令神名詩時

○御覽百九十一

太尉主甲卒神名辨會

○類聚五十九御覽三百三十九

天弓主司弓弩

之張神名推亡

○御覽三百四十七

粟神名許給姓庸天

○御覽八  
百四十八

麥神名福習

○御覽八  
百三十八

黍神名佻佻蘭郝

○御覽八  
百四十二

荳神名靈殖姓樂

○御覽八  
百四十一

按星辰之位號已難諗矣復從而注其姓字其形狀其衣服其居處靡密已甚顧道釋二藏所稱引名狀各殊則必皆襲自緯書而後稍汎濫也今據雲笈七籤有云角星神姓賓名遠生衣緣元單衣亢星神姓扶名司馬馬頭赤身衣赤緹單衣帶劍氏星神姓王名師子衣青紗單衣房星神姓洪名寄生衣絳緋單衣心星神姓女名涂祖牛頭人身衣黃單衣帶劍尾星神姓涂名徐澤兔頭人身衣青單衣箕星神桑木之精姓元闕名仲衣飄飄玉紗單衣南斗星神姓陽名都衣青單衣持矛牛星神姓柳名將生衣絳

元單衣女星神姓刁名徐字鬱子犬頭人身虛星神槐之  
精也姓木名徐他鼠頭人身衣阜黑單衣帶劍危星神姓  
劉名歸生衣瓊紋單衣帶劍營室之內五色雜神營室天  
子受命之司姓呂名昇衣黃錦單衣東壁星神姓石名蘇  
和豕頭人身衣黑單衣帶劍奎星神姓黑名石勝衣丹紗  
單衣帶劍婁星神姓竺名遠來衣流熒單衣胃星神姓馮  
名謝君衣流黃單衣帶劍昴星神姓張名弩小衣綠青單  
衣畢星神姓柔名公孫帶劍衣白毛單衣觜星神姓王名  
平衣龍青單衣參星神姓銅名徐舒衣黃緋單衣帶劍井  
星神名搏陽衣黃水單衣帶劍能致鳳凰元武鬼星神主  
震姓作名涂于蛇頭黑身帶劍衣赤野單衣柳星神主坎



姓角名石囊羊頭人身衣黃草單衣七星神主艮名勝子  
衣飛霞單衣張星神主巽姓李名神子衣赤血單衣翼星  
神主離姓張名奴子衣赭黑單衣軫星神主兌姓王名蘇  
子衣流黃單衣 又法苑珠林初置星宿昴爲先首形似  
剃刀次置畢形如立叉觜形如鹿頭參性多嗔怒一星如  
婦人鬢并兩星形如腳跡鬼歲星之子其性溫和如佛胸  
滿相柳亦如婦人鬢復置南方七星形如河岸張形如人  
腳跡翼亦如腳跡軫形如人手角屬喜樂天亦如婦人鬢  
亢形同氏屬於火天形闕復次西方房宿形如瓔珞心屬  
帝釋天形如大麥尾形如蝎尾箕屬于水天形如牛角斗  
形如人拓地牛形如牛頭女如大麥粒復置北方虛形如

鳥危屬多羅挈天室壁皆如脚跡奎如婦人屢巽形如鳥  
頭胃形如鼎足 參此二藏於星宿名狀若有實諦要之  
緯書所由來非一世也其稱姓字亦必上古十巫之家有  
爲此說者

太白入軫兵大起 又 五星有人軫者皆爲兵大起 ○並續漢書天文志

注引春秋緯 庫兵動鼓自鳴諸侯得衆也 ○御覽三百三十九 一云得諸侯

象也 ○類聚五十九

蝨之爲蟲赤頭黑身兩翼而行陰中陽也蝨之爲言衆暴寡

也 ○類聚百

八月雨夜苾菜生於滂下地中作羹臠甚美吳中以鱠魚作  
膾苾菜爲羹魚白如玉菜黃若金稱爲金羹玉膾一時珍食

○御覽八  
百六十二

天門山上有葱所種畦壟悉成行人拔取者悉絕若精誠而

求卽不拔自出奇異辛香

○類聚八十二御覽九百七十七並以爲元命包文

凡黍爲酒陽據陰乃能動故以麥釀黍爲酒

麥陰也是先漬酒麴黍後入故日

陽相感皆據陰也相得而沸是其動也凡物陰陽相感非唯作酒○初學記廿六御覽八百四十三引春秋緯

不當華而華易大夫不當實而實易相室

○語見漢書五行志

漢相蕭何長七尺八寸昂星精也耳參漏月角火形

○文選王女卷

集序注初學記一

### 春秋保乾圖

天皇地皇人皇兄弟九人分爲九州長天下

○初學記九類聚十一御覽七

十八引春秋緯

天皇於是斟元陳樞以立易威

言斟酌元化該皇極以建易道宋均云威則也法也言斟

酌元氣陳列樞機之行以改立先法也○後漢書李固傳注

女媧氏命娥陵氏制都梁管以一天下之音命聖氏爲班管

以合日月星辰名曰充樂又令隨作笙簧

○語見路史女皇紀

按續博物志女媧之功烈上際九天天下契黃墟名聲被後

世光輝垂萬物乘雷車服應龍驂青虬席蘿圖震黃瑤援

絕瑞前白螭後奔虵而後世不知其有娥陵三臣亦未讀

緯書耳

黃帝坐於扈閣鳳凰銜書至帝前其中得五始之天文焉○

元年左傳疏引春秋緯無天字

移河爲界在齊呂填闕八流以自廣

言齊桓拓境塞其八枝使并歸徒駭一河也○

書禹貢疏爾

雅釋水疏

吐珠於澤誰能不含

宋注珠出於野澤之中誰能不含取以爲寶也○初學記廿七御覽八百二

天子至尊也神精與天地通血氣含五帝精天愛之子之也

御覽

七十六三百年斗歷改憲

續漢書律歷志文選策秀才文注

### 春秋握誠圖

孔子作春秋陳天人之際記異考符

○初學記廿一御覽六百十

執嘉妻舍始遊維池赤珠上刻曰玉英吞此爲王客以其年生

劉季爲漢皇

爲王客者爲王者所賓客○御覽百三十六

漢賊臣名孫登大形小口長七尺九寸巧用法多技方詩書

不用賢人杜口也

○後漢書翟黼傳注以爲保乾圖文

江充之害其萌反舌鳥入殿

一作保乾曜篇○類聚九十二御覽九百二十三

# 春秋內事

春秋孝經各有內事雖不係緯識篇目而其文詞殊甚  
龐噩又俱有宋均之注故以爲醇

天有十二次日月之所躔也地有十二分王侯之所居也御覽

覽一又三十六

自開闢後五緯各居其方至伏羲乃消息禍福以制吉凶始

合之以爲元○路史太  
吳紀注

伏羲氏以木德王天下之人未有宅室未有水火之和於是

乃仰觀天文俯察地理始畫八卦定天地之位分陰陽之數

推列三光建分八節以文應瑞○路史太吳紀注  
引作以文應氣凡二十四

消息禍福以制吉凶○御覽  
七十八

神農地過日月之表

○語見帝王世紀

軒轅氏以土德王天下始有堂室高棟深宇以避風雨

○類聚十

一御覽七十九

黃帝師于風后

○原刻脫此六字依單行本補入

風后善於伏羲之道故推

衍陰陽之事

○後漢書張衡傳注路史黃帝紀注按原刻末有當天天官也五字乃羅氏語孫氏誤取之今

依單行本刪去

陰宅以日奇陽宅以月耦陰宅先內男子當令奇陽宅先內

女子當令耦乃吉陰宅內男子三人陽宅內女子二人

○御覽百

十八

夏后氏金行初作葦菱言氣交也殷人水德以螺首慎其閉  
塞使如螺也周人木德以桃爲榱言氣相更也今人元日以

鞏插戶螺則今之門鎖也桃梗今之桃符也

○語見續漢書禮儀志

太黃負山能動天地氣者孔甲遇之是爲天禳

○語見廣韻三鍾禳字下

日者陽德之母

○初學記一類聚一御覽三文選七發注

古微書卷十二終



古微書卷十三

春秋命歷序

春秋緯十有三篇無所謂命歷序者諸書徵引冥莖歷代帝皇籙運顧多主于命歷則欲推邃古之聞不得不列是書矣

自開闢至獲麟二百二十七萬六千歲分爲十紀每紀爲二十六萬七千年凡世七萬六百年一曰九頭紀二曰五龍紀三曰攝提紀四曰合雒紀五曰連通紀六曰序命紀七曰修飛紀八曰因提紀九曰禪通紀十曰疏訖紀

○小司馬補三皇紀引春秋緯

按廣雅天地辟設人皇以來至魯哀公十有四年積二百七十六萬歲分爲十紀註云帝王世紀自人皇以來迄魏

咸熙二年凡二百七十二代積二百七十六萬七百四十

五年分爲十紀

天地初立有天皇氏十二頭澹泊無所施爲而俗自化木德  
王歲起攝提兄弟十二人立各一萬八千歲地皇十一頭火  
德王姓十一人興於熊耳龍門等山亦各萬八千歲人皇九  
頭乘雲車駕六羽出谷口宋均注九頭兄弟九人分長九州各立城邑  
凡一百五十世合四萬五千六百年○此條見小司馬補三皇紀云出河圖及三五

歷非命  
歷序文

又曰天皇氏以木王地皇氏以火紀○釋史一

人皇出暘谷

分九河○路史泰皇紀注

人皇氏依山川土地之勢財度爲九州謂之九圍圍各居其

一而爲之長人皇居中州以制八輔

按路史考之正閩五德終始之傳乃謂天地之初有渾敦氏者出之爲治卽代所謂盤古氏也繼之以天皇氏地皇氏人皇氏在洞神部又有所謂初三皇君而以此爲中三皇蓋難得而稽矣

皇伯皇仲皇叔皇季皇少五姓同期俱駕龍周密與神通原

刻脫此五號曰五龍○文選魯靈字今校增號曰五龍光殿賦注

按路史引遁甲開山圖云五龍見教天皇榮氏云五龍爰皇後君也昆弟五人面而龍身然以五音五行分配爲五龍之名如角龍木仙之類而以宮龍土仙爲父又言五龍以降天皇兄弟十二人分五方爲十二部法五龍之迹

行無爲之化爲十二時神似天皇在五龍之後矣

九龍紀時有臣無官位尊卑之別

○周禮疏序龍作頭

按左傳郟子來朝公與之宴昭子問焉曰少皞氏鳥名官何故也郟子曰吾祖也我知之昔者黃帝氏以雲紀故爲雲師而雲名炎帝氏以火紀故爲火師而火名共工氏以水紀故爲水師而水名太皞氏以龍紀故爲龍師而龍名我高祖少皞擊之立也鳳鳥適至故紀於鳥爲鳥師而鳥名鳳鳥氏歷正也元鳥氏司分者也伯趙氏司至者也青鳥氏司啟者也丹鳥氏司閉者也祝鳩氏司徒也睢鳩氏司馬也鳴鳩氏司空也爽鳩氏司寇也鵲鳩氏司事也五鳩鳩民者也五雉爲五工正利器用正度量夷民者也九

扈爲九農正扈民無淫者也自顓頊以來不能紀遠乃紀於近爲民師而命以民事則不能故也仲尼聞之見於郊子而學之

又按周禮疏易通卦驗云天地成位君臣道生君有五期輔有三名注三名公卿大夫政教君臣起自人皇之世至伏羲因之故文耀鉤云伏羲作易名官者也論語撰考云黃帝受地形象天文以制官伏羲以前雖有三名未必具立官位至黃帝名位乃具

人皇氏沒狃神次之出於長淮駕六蜚羊政三百歲五葉千

五百歲

○路史  
狃神紀

按路史狃神氏在黃神氏之後

黃神氏或曰黃祿黃頭大腹出天齊政則有官統三百四十

歲拒神次之號曰黃神○路史黃神紀一曰有人黃頭大腹出天齊

政三百四歲爲神次之號曰黃神出淮駕六飛羊政三百歲

五葉千五百歲○初學記廿九神皇氏駕六蜚龍化三百歲○初學記廿九

類聚九十九御覽九百六

按路史循蜚紀鉅靈氏之後爲句強氏謙明氏涿光氏鉤

陣氏乃至黃神在拒神氏之前

次民氏是爲次是氏次是氏沒元皇出天地易命以地紀穴

處之世終矣○路史次民紀

按循蜚紀拒神氏之後有犁靈氏大驪氏鬼驪氏弇茲氏

泰逢氏冉相氏蓋盈氏大敦氏雲陽氏巫常氏泰益氏空

桑氏神氏倚帝氏乃至次民而穴處之世終矣

辰放氏是爲皇次屈渠頭四乳駕六蜚磨出地郭而從日月  
上下天地與神合謀古初之人卉服蔽體次民氏沒辰放氏  
作時多陰風乃教民擗木茹皮以禦風霜綯髮闔首以去靈  
雨而人從之命之曰衣皮之人

○路史  
辰放紀

此因提紀之首也

賁居子曰太古之事有不可以理詰者有不可以跡拘  
者較於目今其奇怪更什伯矣

路史氏曰無物不有而後爲天地無事不具而後成世道  
由是而究之則非常之故不慮之變皆適然而已矣是以  
太公有云天之爲遠矣地之爲廣矣人生其間各自利也

何莫之有乎夫使世俗而能常有其有是乃溟滓鴻濛世  
以爲主莫之有七十六聖矣嗚呼天地之間信何莫之有  
乎奚物而爲常奚物而爲怪通之則物我一也不然吾值  
我非怪邪天下之物固不以自怪也必值我而後怪始未  
嘗識遇之皆可爲駭惑怪固在我不在物也四海之下四  
臂九首六足兩口獨目三身二體旁口反舌交脛反踵馬  
首狗蹠三瞳四舌四耳三角結匈歧踵半體聶耳毛身元  
髓貫匈離耳無腸蜚頭羽民尾濮豕喙狗頭厭火流鬼野  
叉落刹充物其閒北方有不釋之冰南方有不死之草東  
方有君子之域西方有殘刑之尸寢居直夢人死爲鬼豈  
得謂之無邪



帝辰放在位二百五十年離光次之號曰皇談銳頭日角駕

六鳳凰出地衡治二百五十歲

○路史皇覃紀又初學記九引未句作五百六十歲

按因提紀辰放氏之後爲蜀山氏蜀之爲國肇自人皇其始蠶叢拍濩魚鳧各數百歲最後乃得望帝杜宇實爲滿桿蓋蜀之先也次有尪傀氏渾沌氏東戶氏當是之時禽獸成羣竹木遂長道上顏行而不拾遺耕者餘餼宿之隴首其歌樂而無謠其哭哀而不聲皆至德之世也其次乃至皇覃氏卽離光氏也

栢皇氏是爲皇伯登出樽桑日之陽駕六龍而上下以木紀

德

○文選海賦注路史栢皇紀注

按因提紀皇覃氏之後爲啟統氏吉夷氏几蘧氏天下之

人惟知其母不知其父鶉居鷄飲而不求不譽晝則旅行  
夜乃類處及其死也橐臯風化而已命之曰知生之民天  
下蓋不足治也有聖者作樓木而巢教之巢居以避之號  
大巢氏有聖人者遊於日月之都至於南垂有木焉鳥啄  
其枝則燄然火出聖人感之於是仰察辰心取以出火作  
鑽燧別五木乃教民取火以灼以煇以熟臊胜以燔黍捭  
豚然後人無腥脟之疾號遂人氏後有庸成氏庸成者垣  
墉城郭也羣玉之山平阿無隘四徹中繩庸成氏之所守  
先王之冊府也其民僮蒙莫知西東摩蜃蓐食而莫知其  
止息託嬰巢中棲糧隴首實有季子其性喜淫晝淫于市  
帝怒放之于西南季子儀馬而產子身人也而尾蹠馬是

爲三身之國因提訖矣 禪通紀起于史皇氏乃至栢皇  
栢皇以後命歷敘缺焉今按栢皇氏後有中皇氏大庭氏  
栗陸氏昆連氏軒轅氏赫蘇氏葛天氏尊盧氏祝誦氏昊  
英氏有巢氏朱襄氏陰康氏無懷氏乃至大昊氏云

路史曰軒轅氏古封禪之帝在黃帝之前昔蒙莊氏論至  
德之世軒轅氏後乃有赫胥而尊盧祝融次之又後乃有  
伏羲神農黃帝其明著若是訊昔幣款有黃帝金而又有  
軒轅金封禪文識有軒轅氏而又有黃帝氏則軒轅自爲  
古帝信矣後世惟見史遷紀黃帝名軒轅更弗復攷於古  
失之 又曰 昔在上世有聖人者教之巢居冬則爲營窟夏  
則居曾巢而王天下號曰有巢氏木處顛風生燥顛傷燥

天於是有聖人者教之編槿而廬緝蠶而扉填塗茨翳以違其高卑之患而避風雨以其革有巢之化故亦號有巢氏禮運所言有巢氏在遂人氏之前六韜所敘乃吳英氏之後有巢也而汲書所說有巢氏爲在夏商閒誤矣

伏羲遂人始名物蟲鳥獸

○路史遂人紀注

按古三墳云伏羲遂人之子也因風而生爲風姓通卦驗云燧皇始出握機矩表計實圖其刻曰蒼牙通靈昌之成謂伏羲也故云遂人有傳教之臺伏羲立十二言之教而魏淳于俊亦以爲伏羲因遂皇之圖以制八卦則羅泌置遂人于因提紀中未知何據黃囊經云伏羲父葬震山下作丙放巽或代王世言伏羲無父其母感迹而生者妄也

則三墳以爲遂人之子亦誣依命歷序反在伏羲後矣古學之難稽如是

有神人名石年

御覽七十

八引作石耳

蒼色大眉戴玉理

注日月清明

有次序故神

應和氣以生也

玉理猶玉英玉勝也

○類聚十一路史炎帝紀注

按禪通紀母安登感神於常羊生神農於列山之石室生而九井出焉荆州記云井在湖北重塹周之廣一頃二十畝內有地云神農宅神農生處神農旣育九井自穿舊言汲一井則八井震動又荆州圖言永陽縣西北二百三十里厲鄉山東有石穴高三十丈長二百尺謂之神農穴神農生此老子亦生此

有神人駕六龍出地輔號皇神農始立地形甄度四海遠近

山川林藪所至東西九十萬里南北八十一萬里

其所爲如此

農植樹木使民粒食故天下號曰皇神農也甄紀地形遠近山川林澤所至○書鈔百五十七御覽七十八路史炎帝紀

按禪通

○原作因提依路史改

紀命白阜度地紀脈水道窳木方竹

杭潢洋而有亡達遂甄四海紀地形遠近山川林藪所至

而正其制近國地廣而遠國彌小負海之邦率三在地呂

氏春秋云神農分國近國地廣遠國地愈小海上有十里

之國與二十里也諸子言神農王天下地東西九十萬里

南北八十五萬里所謂地過日月之表也

炎帝號曰大庭氏傳八世合五百二十歲

○禮祭法疏路史炎帝紀注

按禪通

○原作因提依路史改

紀古之有天下最長世者無神農若

也故尸子曰神農七十世有天下豈每世賢哉牧民易也  
呂覽亦以神農七十世有天下而書傳止存八葉何哉

黃帝一曰帝軒轅傳十世二千五百二十歲次曰帝宣曰少

昊一曰金天氏則窮桑氏傳八世五百歲次曰顓頊則高陽

氏傳二十世○詩生民疏禮月令疏文十三年左傳疏並引作九世三百五十歲次是

帝嚳卽高辛氏傳十世四百歲○禮祭法疏

入元三百四歲爲德運七百六十歲爲代軌千五百二十歲

爲天地出符四千五百六十歲爲七精反初以文命者七九

而衰以武興者六八而謀天人相應若合符節○路史桓皇紀版尾引緯

文

按禪通紀自伏羲以來以斗精受命者七神得閒氣而生

者又二十有八所謂三十五際者也 博物志曰昔西夏  
仁而去兵城郭不修武士無位唐伐之西夏以亡昔元都  
賢鬼神道廢人事天謀臣不用龜筮是從忠臣無祿神巫  
用國榆炯氏之君孤而無使曲沃進伐以亡昔有巢氏有  
臣而貴任之專國主斷已而奪之臣怒而生變有巢以亡  
昔者清陽強力貴美女不治國而亡昔在洛氏宮室無常  
囿池廣大人民困匱商伐之有洛以亡 此蓋史記

解之略也

河圖帝王之階圖載江河山川州界之分野後堯壇于河受

龍圖

○原刻脫此三字今校增

作握河紀逮虞舜夏商咸亦受焉

○水經河水注

五德之運同徵合符膺籙次相代

○文選東京賦注晉武帝華林園集詩注吳趨行注



演連珠注安  
陸昭王碑注

賈居子曰上世之寶河圖猶三代之重神鼎漢以下之  
爭傳國璽也璽能存而不能亡有道者得之無道者亦  
可以力挾而奪之神鼎則不然能存亦能亡有道之主  
得之無道之國則不入矣若夫河圖或世見或世不見  
雖有興王非絕盛之德猶夫不見耳雖然謂龜與馬果  
上帝之傳命耶上帝有命而傳之則何不生一窮靈賈  
慧四目兩口之人下教于羲軒而語其詳乎夫天所生  
窮靈賈慧則孰有逾于羲軒者羲軒未嘗不傳天之言  
然而愚俗未必信固不若託諸不世見之神物以爲天  
也然則當其世有仙矣有神矣羲軒者何不召其仙若

神而倩之言曰仙與神固非羲軒所能檄也寢降于世  
 其言有聞有不聞而愚俗猶將訝之曰人耳人耳惟龜  
 惟馬欵忽出河絕然圖見里巷老稚爭趨謁之曰此烏  
 乎來哉是復何書惟聖人能通其解耳安得不畏之寶  
 之其實於天無與也在聖人者亦猶夫師螳師蛛之故  
 智而已矣

桀無道地吐黃霧○此句已見尚書中候篇夏隕霜冬下露○御覽十四又八百七十

八路史夏后紀注

成康之隆醴泉湧出○文選東都賦注求自試表注

孔子治春秋退修殷之故歷使其數可傳于後春秋宜以殷  
 歷正之今考之交會不與殷歷相應○晉書律歷志按下三句係姜岌語非命歷序

文本

魯僖公五年正月壬子朔旦冬至

○隋書律歷志

積獲麟至漢起

庚午部之二十三歲竟巳酉戊子及丁卯部六十九歲合爲

二百七十五歲

○續漢書律歷志

古微書卷十三終

古微書卷十四

易緯

賁居子曰諸緯文俱佚矣惟乾坤鑿度二冊猶存故不  
贅錄秦燬經而易完隋銅緯而易緯完故知易之神力  
遠也通卦驗雖無善本而散見尙多他如筮類謀辨終  
備稽覽坤靈二圖千百之十一焉亦曰鼎一鸞羅一目  
于是道古

易通卦驗

陰陽律歷皆祖于易氣也者物之先者也故物無以驗  
則驗之氣氣無以驗則驗之風而其朕其幾集動于卦  
此王者所以體天元而聖人所以法天行必謹于卦氣

也

夫八卦氣驗常不在望以入月八日不盡八日候諸卦氣

注云

入月八日不盡八日陰氣得正而平。○周禮馮相氏疏

三月六月九月十二月皆不見風惟有八風以當八卦八節云十一月者則乾之風漸九月坤之風漸六月艮之風漸十

二月巽之風漸三月

○周禮保章氏疏

震東方也主春分日出青氣出直震此正氣也氣出右物半死氣出左蛟龍出震氣不出則歲中少雷萬物華而不實人民疾熱應在其衝

○類聚三又九十六

離南方也主夏至日中赤氣出直離此正氣也氣出右萬物半死氣出左赤地千里離氣不至日無光五穀不榮人民病

目○類聚三書  
鈔百五十五

立秋晴時黃氣出直坤此正氣也秋分日入酉白氣出直兌

此正氣也離氣見秋分則大熱巽氣不至則域中多大風發

屋揚沙禾稼盡臥○書鈔百五十四又百五十六又百五十九

乾得坎之蹇則當夏雨雪○原刻脫夏字雪作雷今校正  
○御覽十二又八百七十八

按八卦之配八節其說肇此而今無全文錄其所見如右

八節之風謂之八風立春條風至東方風春分明庶風至東方風

立夏清明風至東南方風夏至景風至南方風立秋涼風至西南方風

分閭闔風至西方風立冬不周風至西北方風冬至廣莫風至北方風

左傳隱五年疏又昭二十年疏初學記一御覽九年

冬至廣莫風至誅有罪斷大刑立春條風至赦小罪出稽留

春分明庶風至正封疆修田疇立夏清明風至出幣帛禮諸  
侯夏至景風至拜大將封有功立秋涼風至報土功祀四鄉  
秋分閭闔風至解懸垂琴瑟不張立冬不周風至修宮室完  
邊城八風以時則陰陽合王道成萬物得以育生王當順八  
風行八政當八卦也○御覽九

按淮南子諸稽攝提條風之所生也通視明庶風之所生  
也赤奮若清明風之所生也共土景風之所生也諸比涼  
風之所生也皇稽闐闐風之所生也隅強不周風之所生  
也窮奇廣莫風之所生也諸稽等皆天神而震巽離坤兌  
乾坎艮乃其序其風名與呂覽小異  
又按漢志以臘明正月旦決八風風從南大旱西南小旱



西方有兵西北戎叔爲小雨趣兵北方爲中歲東北爲上歲東方大水東南民有疾疫歲惡故八風各與其衝對課多者爲勝多勝少久勝亟疾勝徐

天官書以正月朝占四方之風風從南方來者旱從北方來者湛東方來者爲疫西方來者爲兵

正月上甲風從東方來宜蠶從西方來若旦有黃雲惡

抱朴子曰用兵之要雄風爲急扶搖獨鹿之風大起軍中必有反者風高者道遠風下者道近風不鳴葉者十里鳴條搖枝百里折大枝五百里仆大木千里折大木五千里三日三夕天下盡風二日二夕天下半風一日一夕萬里

風

春分明庶風至雷雨行桃始華〇類聚三書鈔百五十五立夏清明風至

暑鵲鳴播穀飛電見龍升天宋均注龍心星名〇初學記三夏至景風至蟬

始鳴螳蜋生鹿角解木槿榮夏至小暑博勞鳴蝦蟆無聲〇初學記三

學記三御覽廿三又禮月令疏立秋涼風至白露下秋分鷺鳥擊元鳥歸立

秋日腐鼠化為螢〇初學記三又三十五御覽十二又二十五立冬不周風至水始

冰齊麥生雀入水為蛤〇類聚三御覽二十八冬至廣莫風至則蘭射

干生麋角解〇後漢書陳寵傳注書鈔百五十六御覽九百八十三又九百九十二

按此上準風氣以定節候也風母如猪名曰孟婆打殺遇

風即活風穴之山往往有見之者按開山圖霍山南嶽有

雲師雨虎雲師如蠶長六寸似兔雨虎如蛹長七八寸似

蛭雲雨之時出在石上古人以蜥蜴求雨當是其類

冬至初陽雲出箕如樹木之狀小寒合凍蒼陽雲出氏大寒  
降雪黑陽雲出心立春青陽雲出房如積水雨水黃陽雲出  
亢驚蟄赤陽雲出翼春分正陽雲出張如白鴿清明白陽雲  
出奎穀雨太陽雲出張如車蓋立夏當陽雲出觜赤如硃小  
滿上陽雲出七星芒種長陽雲出斗維夏至少陰雲出如水  
波崇崇小暑雲五色出大暑陰雲出南赤北蒼立秋濁陰雲  
出如赤繪處暑赤陰雲出南黃北蒼白露黃陰雲出觜秋分  
白陰雲出參寒露正陰雲出如冠纓霜降大陰雲出上如羊  
下如礮石立冬陰雲出而黑大雪降陰雲出而分冬至日謹  
候見雲送迎從其鄉來歲美民和○初學記一類聚一  
書鈔百五十御覽八  
冬至之日見雲送迎從其下嚮來歲大美人民和不疾疫無

雲送迎德薄歲惡故其雲青者饑赤者旱黑者水白者兵黃

者有土功諸從日氣送迎此其徵也

○類聚三書鈔百五十六御覽廿八

按古者以靈臺候雲物凡分至啓閉必書雲色其占審矣而雲狀不齊名氣紛異呂覽曰至亂之化其雲狀有若犬若馬若白鵠若衆車有其狀若人蒼衣赤首不動其名曰天衡有其狀若懸釜而赤其名曰雲旂有其狀若衆馬以鬪其名曰滑馬有其狀若衆植華以長黃上白下其名蚩尤之旂故漢志天文備言雲氣其說蓋本於墨子陳平范增皆有其書名望氣經而唐邵鄂衍之爲賦茲不具錄惟晉志數語與望氣經小異今刺取之其略曰凡海旁蜃氣象樓臺廣野氣成宮闕北夷之氣如牛羊羣畜穹廬南夷

之氣類舟船幡旗自華以南氣下黑上赤嵩高三河之郊  
氣正赤恒山之北氣青勃碣海岱之間氣皆正黑江淮之  
間氣皆白東海氣如員笠附漢河水氣如引布江淮氣勁  
如杼濟水氣如黑狔涓水氣如狼白尾淮南氣如白羊少  
室氣如白兔青尾恒山氣如黑牛青尾東夷氣如樹西夷  
氣如室屋南夷氣如閣臺或類舟船陣雲如立垣杼軸雲  
類軸搏兩端兌杓雲如繩居前車亘天其光半天其翬者  
類闕旗故鉤雲句曲諸此雲見以五色占而澤搏密其見  
動人及有兵必起合鬪其直雲氣如三匹帛廣前銳後大  
軍行氣也韓雲如布趙雲如牛楚雲如日宋雲如車魯雲  
如馬衛雲如犬周雲如車輪秦雲如行人魏雲如鼠鄭雲

如絳衣越雲如龍蜀雲如困車氣乍高乍下往往而聚騎  
氣卑而布卒氣搏前卑後高者疾前方而高後銳而卑者  
却其氣平者其行徐前高後卑者不止而返校騎之氣正  
蒼黑長數百丈遊兵之氣如彗掃一云長數百丈無根本  
喜氣上黃下赤怒氣上下赤憂氣上下黑土功氣黃白徒  
氣白讀此可以概窺古人候氣之學矣

冬至之前五日商賈不行兵甲伏匿人主與羣臣左右從樂

五日以五日一候也

○禮月令疏

冬至之始人主與羣臣左右從樂五日天下之衆亦家家從

樂五日以爲迎日至之禮

○初學記四御覽二十八

冬至人主不出宮寢兵從樂五日擊黃鐘之磬公卿大夫列

士之意得則陰陽之晷如度數夏至之日如冬至之禮

續漢書

律歷志注

引易緯

冬至之日立八神樹八尺之表

注云神讀如引言八引者樹杵於地四維四中引繩以正

之故因名之曰引立表者先正方面於視日審矣

日中視其晷晷如度者則歲美八

民和順晷不如度者其歲惡人民多譏言政令為之不平晷

進則水晷退則早進一尺則日食退一尺則月食月食則正

臣下之行日食則正人主之道

周禮馮相氏疏續漢書律歷志注御覽四又二十八

日冬至人主致八能之士或調黃鍾或調六律或調五聲或

調五行或調律歷或調正德所行八能以備人主乃縱八能

之士擊黃鍾之鐘人敬稱善言以相之

所謂金奏也

乃權水輕重

稱黃鍾之重擊黃鍾之磬公卿大夫列士以德賀于人主乃

使八能之士擊黃鍾之鼓鼓用馬革員徑八尺一寸鼓黃鍾

之瑟瑟用槐木長八尺吹黃鍾之律閒音以笙笙長四尺一

寸一分黃鍾之音得蕤賓之律應夏日至如冬日至之禮舞

八樂雲門五英六莖大卷韶夏濩武也黃鍾之音調則蕤賓之律應磬聲和

則林鍾之律應此謂冬日至成天文夏日至成地理鄭元注云天文

謂三光運行照天下冬至而數訖於是時也祭而成之所以報也鼓用黃牛皮員徑五尺七

寸瑟用桑木長五尺七寸閒音以簫長尺四寸注此律必以九與十者天

地數終焉又云簫管形象為鳥翼鳥為火火成數七生數二二七一十四簫之長由此○詩有瞽疏初學記四御覽廿八

夏至人主從八能之士鄭注致八能之士謂選於天下人衆之中取其習曉者而使之調焉先

使作樂五日謂日至之前豫前五日或調黃鍾縣黃鍾於子令八能之士習作其樂以大小之差

展其聲或調六律六律管陽也又有六呂為之合或調五音金

管有長短吹之以調樂器之聲



鐘革爲鼓石爲磬竹爲管絲爲弦皆有聲變舒或調五聲宮商角徵羽聲宏殺緩急與神靈之氣通人君聽之可以察已之得失而知羣臣之賢否或調五行謂五或調律歷謂六或調陰陽謂雲門咸池或調正德所行謂大濩大武○

禮月令疏

人主冬至日縱八能之士擊黃鍾之宮則人主敬善公卿大

夫誠信御覽五百七十五

冬至陰氣去陽氣來又太陰奮于上青陽萌于下並書鈔百五十六

按後漢禮儀志曰冬至夏至陰陽晷景長短之極微氣之所生也故使八能之士八人或吹黃鍾之律閒以竽或撞黃鍾之鐘或度晷景權水輕重水一升冬重十三兩或擊黃鍾之磬或鼓黃鍾之瑟軫閒九尺二十五弦宮處于中

左右爲商徵角羽或擊黃鍾之鼓先之三日太史謁之至日夏時四孟冬則四仲其氣至焉先氣至五刻太史令與八能之士卽坐于端門左塾大子具樂器夏赤冬黑列前殿之前西上鍾爲端守宮設席于器南北面東上正德席鼓南西面令晷儀東北三刻中黃門持兵引太史令八能之士入自端門就位二刻侍中尙書御史謁者皆陛一刻乘輿親御臨軒安體靜居以聽之太史令前當軒溜北面跪舉手曰八能之士以備請行事制曰可太史令稽首曰諾起立少退顧令正德曰可行事正德曰諾皆旋復位正德立命八能士曰以次行事閒音以竽八能曰諾五音各三十爲闕正德曰合五音律先唱五音並作二十五闕皆

音以竽訖正德曰八能士各言事八能士各書板言事文  
曰臣某言今月若干日甲乙日冬至黃鍾之音調君道得  
孝道褒商臣角民徵事羽物各一板否則召太史令各板  
書封以阜囊送西陛跪授尙書施當軒北面稽首拜上封  
事尙書授侍中常侍迎受報聞以小黃門幡麾節度太史  
令前曰禮畢制曰可太史令前稽首曰諾太史命八能士  
詣太官受賜陞者以次罷日夏至禮亦如之

又按律歷志天子常以日冬夏至御前殿合八能之士陳  
八音聽樂均度晷景候鍾律權土灰攷陰陽冬至陽氣應  
則樂均清景長極黃鍾通土灰輕而衡仰夏至陰氣應則  
樂均濁景短極蕤賓通土灰重而衡低進遲於先後五日

之中八能各以候狀聞太史封上效則和否則占候氣之法爲室三重戶閉塗爨必周密布緹縵室中以木爲案每律各一內庫外高從其方位加律其上以葭苧灰抑其內端案歷而候之氣至者灰去其爲氣所動者其灰散人及風所動者其灰聚殿中候用玉律十二惟二至乃候靈臺用竹律六十候日如其律

賁居子曰讀此可以知先王體乾法天致謹于陽事矣一陽之後夜半子時天心無改萬物終而復始死而後生蓋其慎哉故曰復其見天地之心

正旦五更人整衣冠於家庭中爆竹貼畫雞子或鏤五色土於戶上壓不祥也

○御覽二十九

立春元日萬民聞雞鳴皆翹首結帶正衣裳

○御覽九百十八無立春元日

四字

驚蟄大壯初九桃始華不華倉庫多火

○類聚八十六御覽九百六十七

荔挺不出則其國多火災

○此易統驗元圖文又見後

虹不時見女謁亂公虹者陰陽交接之氣陽唱陰和之象今失節不見似人君心在房內不修外事廢禮失義夫人淫恣

而不敢制故曰女謁亂公

○御覽十四又入百七十八

鹿者獸之陰也貴臣之象鹿應陰解角也夏至太陽始屈陰氣始生陰陽相向君臣之象也今失節不解臣不承君之象

故爲貴臣作姦也

○御覽二十三

立夏景風至而龍昇天

○御覽九百廿九

鵲者陽鳥先物而動先事而應見於未風之象大寒之日鵲

始巢今失節不巢癸氣不通故言春不東風也○初學記三十一御覽九百

二十大雪魚負冰鄭元注魚負冰上近冰也○初學記三十一御覽廿六又六十八

立春雨水降條風至雉雒雞乳冰解正月中猛風至注云猛風動搖

樹木有聲者獺祭魚倉庚鳴○禮月令疏類聚三立春雨水鷓鴣鳴○御覽九百二

一立夏清風至而鶴鳴○類聚九十御覽九百十六立秋虎始嘯○御覽九百九

一冬至鷓鴣不鳴○御覽九百二十一

夏至小暑百勞鳴反舌鳥也能反覆其舌隨百鳥之音○御覽九百二十三

姤上九候蟬始鳴不鳴國多妖言蟬應期鳴舌語之象今失

節不鳴鳴則失時故多妖言○御覽九百四十四螳螂搏蟬之蟲乘寒而殺物

節不鳴鳴則失時故多妖言○御覽九百四十四螳螂搏蟬之蟲乘寒而殺物

自隱蔽而有所害捕搏之象也

御覽九百四十六蟋蟀之蟲隨陰迎

陽居壁向外趣婦女織績女工之象今失節不居壁象女工不成有淫佚之行因夜爲姦故爲門戶夜開門戶人之所由

出入今夜不閉明非也

御覽九百四十九

又曰條風至而楊柳津景風至而搏勞鳴蝦蟆無聲涼風至而鶴鳴闐闐風至而蜻蛉吟日至而泉躍

按呂不韋月令自東風解凍至水澤腹堅後魏始入歷爲七十二候其所載與夏小正淮南時則訓管子汲冢書互有出入及闕楊升庵所引王昶注素問亦引呂氏月令七十二候與今歷中所載不同如桃始華爲小桃花雷乃發聲下有芍藥榮田鼠化爲鴛下有牡丹華王瓜生作赤箭

生苦菜秀作吳葵華麥秋至作小暑至半夏生下有木槿  
榮蟄蟲坏戶下有景天華可考古今節候之異



古微書卷十五

易通卦驗

古今歷法所載晷影之數交有參差考之通卦驗更爲  
悉備此其完簡也

冬至晷長一丈三尺當至不至則旱多温病未當至而至則  
多病暴逆心痛應在夏至

小寒晷長一丈二尺四分當至不至先小旱後小水丈夫多  
病喉痺未當至而至多病身熱來年麻不爲

大寒晷長一丈一尺八分當至不至則先大旱後大水麥不  
成病厥逆未當至而至多病上氣隘腫

立春晷長一丈一寸二分當至不至兵起麥不成民瘦瘵未

當至而至多病燹疾疫

雨水暑長九尺一寸六分當至不至早麥不成多病心痛未當至而至多病藪

驚蟄暑長八尺二寸當至不至則霧稚禾不成老人多病噎未當至而至多病癰疽脛腫

春分暑長七尺二寸四分當至不至先旱後水歲惡米不成多病耳痒

清明暑長六尺二寸八分當至不至菽豆不熟多病噎振寒洞泄未當至而至多温病暴死

穀雨暑長五尺三寸六分○依前後率推之當當至不至水物雜稻等不爲多病疾瘧振寒霍亂未當至而至老人多病

氣腫

立夏暑長四尺三寸六分當至不至旱五穀傷牛畜疾未當至而至多病頭痛腫噎喉痺

小滿暑長三尺四寸當至不至凶言國有大喪先水後旱多病筋急痺痛未當至而至多病燹噎腫

芒種暑長二尺四寸四分當至不至凶言國有狂令未當至而至多病厥眩頭痛

夏至暑長一尺四寸八分當至不至國有大殃旱陰陽並傷草木夏落有大寒未當至而至病肩腫

小暑暑長二尺四寸四分當至不至前小水後小早有兵多病泄注腹痛未當至而至病臄腫

大暑暑長三尺四寸當至不至外兵作來年饑多病筋痺胸痛未當至而至多病脛痛惡氣

立秋暑長四尺三寸六分當至不至暴風爲災來年黍不熟未當至而至多病咳上氣咽腫

處暑暑長五尺三寸二分當至不至國多浮令兵起來年麥不熟未當至而至多病脹耳熱不出行

白露暑長六尺二寸八分當至不至多病瘞疽泄未當至而至多病水腹閉疝瘕

秋分暑長七尺二寸四分當至不至草木復榮多病温悲心痛未當至而至多病胸膈痛

寒露暑長八尺二寸當至不至來年穀不成六畜鳥獸被殃

多病疝瘦腰痛未當至而至多病痰熱中

霜降晷長九尺一寸六分當至不至萬物大耗來年多風  
人病腰痛未當至而至多病胸脇支滿

立冬晷長一丈一寸二分當至不至地氣不藏來年立夏反  
寒早旱晚水萬物不成未當至而至多病臂掌痛

小雪晷長一丈一尺八分當至不至來年蠶麥不成多病脚  
腕痛未當至而至亦爲肘腋痛應在小暑

大雪晷長一丈二尺四分當至不至溫氣泄夏蝗蟲生大水  
多病少氣五疸水腫未當至而至多病癰疽痛應在芒種已

上並續漢書  
律歷志注

按此緯以晷影候病厄通於內經五運六氣矣謹刺其要

素問天元紀夫變化之爲用也在天爲元在人爲道在地  
爲化化生五味道生智元生神神在天爲風在地爲木在  
天爲熱在地爲火在天爲濕在地爲土在天爲燥在地爲  
金在天爲寒在地爲水 應天爲天符者六微旨大論曰  
木運之歲上見厥陰丁巳火運之歲上見少陽戊寅少陰  
戊午土運之歲上見太陰己丑金運之歲上見陽明乙卯  
水運之歲上見太陽丙辰蓋司天與運氣相符故爲天符  
也又六元正紀大論曰戊子戊午太徵上臨少陰戊寅戊  
申太徵上臨少陽丙辰丙戌太羽上臨太陽如是者三丁  
巳丁亥少角上臨厥陰乙卯乙酉少商上臨陽明己丑己  
未少宮上臨太陰如是者三甲辰甲戌太宮下加太陰壬

寅壬申太角下加厥陰庚子庚午太商下加陽明如是者  
三癸巳癸亥少徵下加少陽辛丑辛未少羽下加大陽癸  
卯癸酉少徵下加少陰如是者三爲天符也承歲爲歲直  
者當年十干建運與年辰十二律五行相會如木運臨卯  
火運臨午金運臨酉水運臨子所謂歲會氣之平也三合  
爲治者火運之歲上見少陰年辰臨午卽戊午歲也土運  
之歲上見太陰年辰臨丑卽己丑己未歲也金運之歲  
上見陽明年辰臨酉卽乙酉歲也此三者天氣運氣與年  
辰俱會故爲三合也 帝問三陰三陽合之奈何鬼與區  
曰子午之歲上見少陰丑未之歲上見太陰寅申之歲上  
見少陽卯酉之歲上見陽明辰戌之歲上見太陽己亥之

歲上見厥陰少陰所謂標也厥陰所謂終也厥陰之上風氣主之少陰之上熱氣主之太陰之上濕氣主之少陽之上相火主之陽明之上燥氣主之太陽之上寒氣主之所謂本也是謂六元其六微旨篇又曰天氣始於甲地氣始於子子甲相合命曰歲立甲子之歲初之氣天數始於水下一刻終於八十七刻半二之氣始於八十七刻六分終於七十五刻三之氣始於七十六刻終於六十二刻半四之氣始於六十二刻六分終於五十刻五之氣始於五十一刻終於三十七刻半六之氣始於三十七刻六分終於二十五刻所謂初六天之數也乙丑歲初之氣天數始於二十六刻終於一十二刻半二之氣始於一十二刻六分



終於水下百刻三之氣始於一刻終於八十七刻半四之  
氣始於八十七刻六分終於七十五刻五之氣始於七十  
六刻終於六十二刻半六之氣始於六十二刻六分終於  
五十刻所謂六二天之數也丙寅歲初之氣天數始於五  
十一刻終於三十七刻半二之氣始於三十七刻六分終  
於二十五刻三之氣始於二十六刻終於一十二刻半四  
之氣始於一十二刻六分終於水下百刻五之氣始於一  
刻終於八十七刻半六之氣始於八十七刻六分終於七  
十五刻所謂六三天之數也丁卯歲初之氣天數始於七  
十六刻終於六十二刻半二之氣始於六十二刻六分終  
於五十刻三之氣始於五十一刻終於三十七刻半四之

氣始於三十七刻六分終於二十五刻五之氣始於二十  
六刻終於一十二刻半六之氣始於一十二刻六分終於  
水下百刻所謂六四天之數也次戊辰歲初之氣復始於  
一刻常如是無已周而復始帝曰願聞其歲候歧伯曰日  
行一周天氣始於一刻日行再周天氣始於二十六刻日  
行三周天氣始於五十一刻日行四周天氣始於七十六  
刻日行五周天氣復始於一刻所謂一紀也是故寅午戌  
歲氣會同卯未亥歲氣會同辰申子歲氣會同巳酉丑歲  
氣會同終而復始

氣交變論

○當作五常政論

帝曰歲有胎孕不育何氣使然歧伯

曰六氣五類相勝制也厥陰司天毛蟲靜羽蟲育介蟲不

成在泉毛蟲育倮蟲耗羽蟲不育少陰司天羽蟲靜介蟲  
育毛蟲不成在泉羽蟲育介蟲耗不育太陰司天倮蟲靜  
鱗蟲育羽蟲不成在泉倮蟲育鱗蟲不成少陽司天羽蟲  
靜毛蟲育倮蟲不成在泉羽蟲育介蟲耗毛蟲不育陽明  
司天介蟲靜羽蟲育毛蟲不成在泉介蟲育毛蟲耗羽蟲  
不成太陽司天鱗蟲靜倮蟲育在泉鱗蟲耗倮蟲不育

### 易坤靈圖

此或配乾鑿度而名篇

天地成位君臣道生粵有天皇

○周禮疏序路史天皇紀注並以爲通卦驗文

天

皇氏之先與乾曜合元君有五期輔有三名

宋均注君之用事五行更天王

者亦有五期輔有三名公卿大夫也○周禮疏序禮記疏序路史天皇紀注並以爲通卦驗文地皇出於熊

耳龍門之嶽人皇出於刑馬山提地之國

○類聚十一以為遁甲開山圖文

遂皇始出握機矩是法北斗而成七政表計寘圖其刻曰蒼

渠通靈

注遂皇謂遂人在伏羲前始王天下也矩法也言遂皇持斗機運轉之法指天以施政教蒼牙通

靈○此即蒼渠通靈之異文不當視載昌之成運孔演命明道經冥時無書刻

文曰蒼牙渠肩之人能通神靈之意蒼牙則伏羲也昌則文

王也孔則孔子也○易疏序論書序疏周禮疏序禮記疏序又皆義疏文選策秀才文注御覽七十八並以爲通卦驗文

伏羲方牙精作易無書以畫事此畫之始○御覽七十八路

爲通卦驗文無此畫之始四字

伏羲立九部而民易理蓋九州之始也

○路史太吳紀注按下一句乃羅氏語非

易緯本文御覽七十八引此文亦無下一句

堯母崩去

一作其母萌之

元雲入戶蛟龍守門

鄭注慶都爲天皇之女天帝以元雲覆衛

之故曰時乘六龍以御天也。○初學記十御覽八十

堯之精陽萬物莫不從者帝必有洪水之災天生聖人使救

之故言乃統天也。○御覽八十攝天之業使之理也。○文選張子房詩注

至德之萌日月若連璧五星若貫珠。○文選廣絕交論注類聚二御覽三又七

堯以甲子天元為推術甲子為部首起十月之朔。○路史陶唐紀注以

為乾鑿度文

按歷術甲子篇天元之始于十一月甲子夜半朔旦冬至

日月若連珠俱起牽牛之初歲雄在闕逢雌在攝提格月

雄在畢雌在訾訾則娥訾之宿日雄在甲雌在子甲子是

陽氣支干之首也今太乙家算數起天開甲子大率祖於

堯之歷云

德配天地在正不在私稱之曰帝禮曲禮上疏帝者天號也德配

天地不私公位稱之曰帝天子者繼天治物改正一統各得

其宜父天母地以養生人至尊之號也大君者君人之盛也

○初學記九御覽

七十六引易緯

易之帝乙爲成湯書之帝乙六世王天之錫命疏可同名禮

攬弓下注引易說孔疏以爲乾鑿度文

### 其說出乾鑿度已錄于中候篇

聖人受命瑞應先見於河瑞應之至聖人殺龍龍不可殺皆

感氣也君子得衆人之助瑞應先見於陸瑞應之至君子殺

虵蛇不如龍陸不如河○御覽五十六

賁居子曰按聖人龍見君子蛇見龍見必于河蛇見必

于陸其說已備於乾鑿度矣陰符經曰天發殺機龍蛇走陸吾安知龍蛇之不爲孽也漢高帝斬蛇不害爲聖人宋文帝見龍未必爲君子後世亦孰從而審之

三王之郊一用夏正各郊所感帝

○周禮典瑞疏引易緯又大司樂疏引上二句以爲

乾鑿度文

賁居子曰感生帝之說起于鄭元殆祖此緯也而後代用之六季南北朝遂妄引圖讖五德之運各祀太微感生帝可發盧胡

正其本萬事理差之毫釐謬以千里故君子必謹其始

○大戴禮

保傅篇引易說

孔子曰雷之始發大壯始君弱臣強從解起

○語見後漢書郎顛傳不云是

易緯

古語曰一夫兩心拔刺不深又曰躓馬破車惡婦破家

○詩紀十

引易緯 鸚必匹飛鷄必單栖

五帝東方木色蒼七十二日南方火色赤七十二日中央土色黃七十二日西方金色白七十二日北方水色黑七十二

日○禮禮器疏

按運氣全書太古占天望氣定位之始見於天之氣橫於甲己方爲土運素天之氣橫於乙庚方爲金運元天之氣橫於丙辛方爲水運蒼天之氣橫於丁壬方爲木運丹天之氣橫於戊癸方爲火運又地之六位則分主於四時天之五運亦相生而終歲度每十歲一周天每運各主七十



二日零五刻總三百六十五日二十五刻共成一歲其起五音者蓋將一歲中大運爲主上下因之而名太少五音也若當年是木合自大角而下生之故曰初正大角木生少徵火少徵火生太宮土太宮土生少商金少商金生太羽水則爲終亦以太過不及隨之也

### 易稽覽圖

此亦主節候徵應倚卦立言

太平時陰陽和合風雨咸同海內不偏地有險易故風有遲疾雖太平之政猶有不能均同也惟平均乃不鳴條○御覽九

降陽爲風降陽之風動不鳴條

降陰爲雨降陰之雨潤不破塊

○御覽十

陰陽和合爲電輝輝也其光長〇御覽十三

桐枝濡蟲而又空中難成易傷須成氣而後華〇初學記二十八御覽九

百五十六引易緯

夏至後三十日極溫〇御覽三十四夏至景風至蟬始鳴螿蜋生御覽二

十三

冬至後三十日極寒〇御覽三十四

古微書卷十五終

古微書卷十六

易河圖數

易大衍之數原起河圖故河圖雖自有緯而未嘗言數  
此傳易者窮其數之原也

龜取生數一三五七九筮取成數二四六八十

○語見周禮校人疏

一與六同宗二與七爲朋

東方南方生長之方故七爲少陽八爲少陰西方北方成熟

之方故九爲老陽六爲老陰

○語見周禮校人疏

五運皆起於月初天氣之先至乾知大始也六氣皆起於月中地氣之後應坤作成物也

按乾坤鑿度夫有形者生於無形則乾坤安從生故曰有

太易有太初有太始有太素太易者未見氣太初者氣之始太始者形之始太素者質之始氣形質具而未相離故曰渾淪言萬物相渾淪而未相離視之不見聽之不聞循之不得故曰易也易無形埒也易變而爲一一變而爲七七變而爲九九者氣變之究也乃復變而爲一一者形變之始清輕上爲天濁重下爲地物有始有壯有究故三畫而成乾乾坤相並俱生物有陰陽因而重之故六畫而成卦卦者掛也掛萬物視而見之故三畫已下爲地四畫已上爲天物感以動類相應也陽氣從下生故動於地之下則應於天之下動於地之中則應於天之中動於地之上則應於天之上故初以四二以五三以上此謂之應陽動

而進陰動而退故陽以七陰以八爲象易一陰一陽合而爲十五之謂道陽變七之九陰變八之六亦合於十五則象變之數若一陽動而進變七之九象其氣之息也陰動而退變八之六象其氣之消也故太一取其數以行九宮四正四維皆合於十五五音六律七宿由此作焉八卦之生物也畫六爻之移氣周而從卦八卦數二十四以生陰陽衍之皆合之於度量陽坼九陰坼六陰陽之坼各百九十二以四時乘之八而周三十二而大周三百八十四爻萬一千五百二十坼也故卦當歲爻當月坼當日大衍之數必五十以成變化而行鬼神也故曰日十者五音也辰十二者六律也星二十八者七宿也凡五十所以大闔物

而出之者故六十四卦三百八十四爻戒各有所繫焉故  
陽唱而陰和男行而女隨天道左旋地道右遷二卦十二  
爻而期一歲乾陽也坤陰也並治而交錯行乾貞於十一  
月子左行陽時六坤貞於六月未右行陰時六以奉順成  
其歲歲終次從於屯蒙屯蒙主歲屯爲陽貞於十二月丑  
其爻左行以閒時而治六辰蒙爲陰貞於正月寅其爻右  
行亦閒時而治六辰歲終則從其次卦陽卦以其辰爲貞  
丑與左行閒辰而治六辰陰卦與陽卦同位者退一辰以  
爲貞其爻右行閒辰而治六辰泰否之卦獨各貞其辰共  
北辰左行相隨也中孚爲陽貞於十一月子小過爲陰貞  
於六月未法於乾坤三十二歲期而周六十四卦三百八

十四爻萬一千五百二十垢復從於貞

易筮類謀

一作是類謀賁居子曰書有致其譎以導其庸者此篇是也易不可見則乾坤或幾乎毀矣天綱地維陽九百

六窮則必變變則必通元會運世于茲可測

斗機絕綱玉衡撥攝提亡

鄭元注曰斗機維斗者天中之精天失其平故斗機絕綱玉衡撥也

攝提者斗前之星為斗施政教布之

野今斗失其正故攝提亦為之不見五星合狼狐張晝視

無日虹蜺煌煌夜視無月彗孛將將

此皆屬乾乾為天天失其主故著天者皆失其

也當藏者出當出者消危處易期

當藏者出解晝視無日虹蜺煌煌也當出者消解夜

視無月也是為危處易期

太山失金雞西岳亡玉羊

太山失金雞者箕星亡也箕者風也風動

雞鳴今箕候亡故雞亦亡也西岳亡玉羊者狼星亡狼在于未為羊也

雞失羊亡臣縱恣主方

佯天下愁不祥天卑地高雷謹公行天下雷同謹譁星晝奔

蜺夜闇無光上無乾下無常天地昧昧履踐冰上無乾乾氣

常天地昧昧喻不明也晝視無日夜無月何民衣霧主吸霜

明之有乎履踐冰者峻急之法行被其刑也民衣霧主吸霜

民衣霧佞政行被其毒也間可倚杵於何藏解上天卑地高

才可倚一杵耳不知夏不知冬不見父不見兄所以然者以

或言枚其意同望之漠漠視之茫茫羣黨假威出坐玉牀天卑地高高

卑失列故卑為望之漠漠視之茫茫羣黨假威出坐玉牀天子之位也

天子之位也望之漠漠視之茫茫羣黨假威出坐玉牀御覽八百七十四

按皇極經世書日經天之元月經天之會星經天之運辰

經天之世以日經日則元之元可知之矣重乾以日經月

則元之會可知之矣乾兌以日經星則元之運可知之矣

乾離為為履以日經辰則元之世可知之矣乾震為以月經日

同人無妄以日經辰則元之世可知之矣無妄以月經日



則會之元可知之矣兌乾以月經月則會之會可知之矣

重兌以月經星則會之運可知之矣兌離以月經辰則會

之世可知之矣兌震以星經日則運之元可知之矣離乾

有以星經月則運之會可知之矣離兌以星經星則運之

運可知之矣重離以星經辰則運之世可知之矣離震為

以辰經日則世之元可知之矣震乾以辰經月則世之

會可知之矣震兌以辰經星則世之運可知之矣震離

以辰經辰則世之世可知之矣重震元之元一此其數起

元之會十二此則一乘元之運三百六十三此則再乘元之

世四千三百二十二此則三乘會之元十二此起數會之

會一百四十四此則一乘會之運四千三百二十此則再

謂會之世五萬一千八百四十此則三乘運之元三百六

十此其數起于三百六十運之會四千三百二十此則一乘運之運

十二萬九千六百此則再乘運之世一百五十五萬五千

二百此則三乘世之元四千三百二十此其數起于四世

之會五萬一千八百四十此則一乘世之運一百五十五

萬五千二百此則再乘世之世一千八百六十六萬二千

四百此則三乘此與陰蝕陰勃陽九百六之說可以

互參已錄于河圖緯

聖人興起不知其姓當吹律聽聲以別其姓黃帝吹律以定

姓是也御覽十六又三百六十二路史黃帝紀注

其觸耀而出師曠歷樞推音算律以度知旦御覽十六

按論衡孔子生不知其父其母匿之吹律自知殷宋大夫子氏之世也

漢書京房本姓李吹律自定爲京氏

潛夫論凡姓之有音也必隨其本生祖所出也大皞木精承歲星而王夫其子孫咸當爲角神農火精承熒惑而王夫其子孫咸當爲徵黃帝土精承鎮星而王夫其子孫咸當爲宮少昊金精承太白而王夫其子孫咸當爲商顓頊水精承辰而王夫其子孫咸當爲羽雖號百變音形不易至於音算之說未有前聞惟太公六韜示其一二太公曰其法以天清淨夜半往至敵壘去九百步外徧持律管當耳大呼警之有聲應管其來甚微角聲應管當以白虎徵

聲應管當以元武商聲應管當以朱雀羽聲應管當以勾  
陳五管聲盡不應者宮也當以青龍此五行之符佐勝之  
徵成敗之機微妙之音皆有外候敵人驚動則聽之聞枹  
鼓之音者角也見火光者徵也聞金鐵矛戟之音者商也  
聞人嘯呼之音者羽也寂寞無聞者宮也此五者音之符  
也 師曠之歷推音算殆近此與而云以度知旦或又謂  
作歷事耳

精氣謂七八遊魂謂九六

○此鄭氏易繫辭傳注非緯文

本注游魂謂之鬼物終所歸精氣謂之神物生所信也言  
木火之神生物東南金水之鬼終歸西北其情狀與春夏  
生物秋冬終物相似鄭云聖人之精氣謂之神賢智之精

氣謂之鬼

易九厄讖

凡言讖者皆依於數數積九六而必窮故天地有劫災

世運有屯厄古之智人於是衍讖

聰明蔽塞政在臣下婚戚干朝君不覺寤虹蜺貫日○續漢書五行

志引君舒息臣下有倦白黑不別賢不肖並不能憂民急氣

為之舒緩草不搖○續漢書五行志注引讖文

主失禮煩苛則旱魚螺子變為蝗蟲○續漢書五行志注引讖文

三統是為元歲元歲之閏陰陽災○此十三字係漢志語孫氏并取之誤初入

元百六陽九次三百七十四陰九初入元百六歲有厄者則前元之餘氣也若餘分為

閏也易爻有九六七八百六與三百七十四六乘八之數也六八四十八合為四百八十歲也次四百八十

陽九

亦六乘八之數也四十八歲有九年旱

次七百二十陰七

也八九乘八之數

爲七百二十

次七百二十陽七

八十歲紀一甲子冬至以八乘七故七百二十歲乃有災也

六百陰五次六百陽五

七八交乘八之數也七乘八得五百六十歲八乘八得六百四十歲

百滿純陰七八不變故通其氣使各六百歲乃有災

次四百

八十陰三次四百八十陽三

此六乘八之數也陽奇陰偶故九再數而六四數七八不變又

無偶各一數一元之中有五陽四陰陽早陰水七九五三皆陽數也故曰陽九之厄正以九七五三爲災者從天奇數也

易立天之道曰陰與陽凡四千六百一十七歲與一元終經

繫天故取其奇爲災歲

歲四千五百六十災歲五十七

百一十七歲

經歲從百六終陽二也得災漢書律歷志

易雜緯

易辨終備

日再中烏連嬉仁聖出握知時

煌煌之耀乾爲之綱合疑之類坤握其方雌雄吐吟六節搖

通萬物孳甲日營始東

震也

易萌氣樞

人君不好士走馬被文繡犬狼食人食則有六畜談言

○宋書五

行志談作妖

易中孚傳

陽感天不旋日諸侯不旋時大夫不過期

○後漢書郎顛傳

易運期

言居東西有午兩日並光日居下其爲主人及爲輔五八四

十黃氣受真人出

並言魏以許昌也

鬼在山禾女連王天下

○三國志注二

易通統圖

春行東方青道曰東陸夏月日行東南赤道曰南陸日行西方白道曰西陸日行東北方黑道曰北陸

御覽十八又二十一又二十四又

二十六

易統驗元圖

荔挺不出則國多火災

御覽千

古微書卷十六終



古微書卷十七

禮緯

賁居子曰禮經之遺佚甚矣古儀禮天子諸侯大夫禮俱亡周禮竟缺冬官曲臺大戴率漢儒緝補非孔初也況于緯支離益甚殊乖厥素梁崇文目禮緯三卷一含文嘉一稽命徵一斗威儀當隋之世鄭注已佚矣茲所得或濫取禎瑞旁記典文而詞實庸靡略拾爲篇云

禮含文嘉

禮質法天文法地周季之文濫矣安得有嘉所珍者含文而依之乎質則天地交焉如言黃裳元吉文之美在中也

虞戲燧人神農謂之三皇伏者別也變也戲者獻也法也伏羲始別八卦以變化天下天下法則咸伏貢獻故曰伏羲也燧人始鑽木取火炮生爲熟令人無腹疾有異於禽獸遂人

之意故曰燧人也神農神者信也農者濃也始作耒耜教民

耕種美其衣食德濃厚若神故爲神農也

○風俗通皇霸篇

禮有三起禮理起於太一禮事起于遂皇禮名起于黃帝此

皇氏禮記疏語非雜文

按鄭元引運斗樞伏羲女媧神農爲三皇宋均引甄耀度數燧人伏羲神農爲三皇白虎通伏羲神農祝融爲三皇其說云祝者屬也融者續也言能屬續三皇之道而行之故謂祝融也太史公依世本大戴禮以黃帝顓頊帝嚳唐

堯虞舜爲五帝孔安國尙書序皇甫謐帝王世紀並以伏羲神農黃帝爲三皇少昊顓頊高辛唐虞爲五帝

賁居子曰三墳以伏羲爲燧人之子矣鄭元六藝論又云遂皇之後歷六紀九十一代至伏羲皇甫世紀云女媧氏亦風姓伏羲之妹也譙周古史考則云遂人次有三姓乃至伏羲伏羲次有三姓始至女媧鄭元以大庭氏是神農之別號而譙周以神農炎帝非一人自神農至炎帝一百三十三姓羅泌路史至以爲軒轅之前別有軒轅而有巢之上更有有巢何上古之多茫冥也夫帝王至貴而隱泯習汨猶若此況于後世一介里巷修名者其孰爲表而傳之使聲施不朽哉噫難矣難矣

伏羲德洽上下天應以鳥獸文章地應以河圖洛書乃則象

而作易

○周易疏序路史太昊紀注

神農修德作耒耜地應之以醴泉

○御覽八百七十三

神農就田作

耨天應以嘉禾

○御覽八百七十三

作易植穀乃制作之大者因思及于一器一象皆古人心

力矣考之

世本曰庖羲作瑟勾芒作網羅庖羲臣也女媧作笙簧隨  
作竽女媧臣也神農作琴炎帝伯陵作鐘無勾作磬黃帝  
作旃作冕揮干作弓夷牟作矢雍父作春蒼頡作字俱黃  
帝臣也堯作圍棋鯀服牛相土乘馬臚作駕俱堯臣也禹  
作宮室倕作鈔

古史考曰伏羲作網神農作市作耒耜黃帝作弩作金甌  
舜作瓦棺土塋夏少康作箕帚昆吾作瓦

山海經曰少昊生般是始爲弓矢帝俊八子作歌舞稷之  
孫叔均始作牛耕鑿齒作楯

呂覽曰陰康氏作舞帝嚳令扞卜作鼓鞀倕作鼓及鞀伶  
倫作權度量胡曹作衣裳蚩尤作戈戟

中華古今注曰軒轅臣胡曹作衣伯余作裳荀始爲冠干  
則作扉履容成作歷大撓作甲子車區占星氣伶倫作律  
呂隸首作算夷羿作弓祝融作市儀狄作酒高元作室虞  
姁作舟伯益作井赤冀作杵白乘稚作駕寒哀作御玉冰  
作服牛巫彭作醫巫咸作筮

物原曰有巢始衣皮軒轅妃嫫祖始育蠶伏羲作裘燧人始束髮爲髻伏羲始作皮冠軒轅加以冕周公作縱軒轅始作帶纈項制條堯爲玉佩殷湯作笏及鞶囊此可以得正名百物之大概矣

禹卑宮室盡力乎溝洫百穀用成神龍至靈龜服玉女敬養

天賜妾

○原刻脫此字今校增

一作玉女降

○類聚十一又十八御覽八十二又八百七十二

按宋書符瑞志玉女者天賜妾也禹時有之

禹耳三漏是謂大通興利除害決河疏江臯陶鳥喙是謂至誠決獄明白察於人情湯臂三肘是謂柳翼攘去不義萬民蕃息文王四乳是謂至仁天下所歸百姓所親武王望羊是謂攝揚盱目陳兵天下富昌周公背僂是謂俊強成就周道

輔于幼王孔子反字是謂甫上德澤所興藏元通流

○白虎通聖人

篇引禮說

按素問

○當作靈樞

五音五味篇五形之人二十五變木形之

人其屬角有左角之人鈇角之人上角之人大角之人判角之人火形之人其屬徵有右徵之人少徵之人質徵之人上徵之人判徵之人土形之人其屬宮有少宮之人上宮之人大宮之人加宮之人左宮之人金形之人其屬商有右商之人少商之人鈇商之人上商之人左商之人水形之人其屬羽有衆羽之人桎羽之人上羽之人大羽之人少羽之人木形則佗佗然遺遺然隨隨然推推然括括然火形則核核然肌肌然惛惛然鮫鮫然頤頤然土形則

古德集 卷十七  
敦敦然婉婉然坎坎然樞樞然兀兀然金形則錚錚然廉  
廉然脫脫然監監然巖巖然水形則延延然頰頰然紆紆  
然絜絜然安安然雖不能通其詳其大指可知矣又通天  
篇少師對黃帝有五態之人太陰之人其狀黢黢然黑色  
忿然下意臨臨然長大臃然未僂少陰之人其狀清然竊  
然固以陰賊立而躁險行而似伏太陽之人其狀軒軒然  
儲儲然反身折臃少陽之人立則好仰行則好搖其兩臂兩肘則  
長于背陰陽和平之人其狀委委然隨隨然顛顛然愉愉  
然臄臄然豆豆然衆人皆曰君子此陰陽和平之人也

禮天子靈臺所以觀天人之際陰陽之會也揆星度之驗徵  
六氣之瑞應神明之變化覩日氣之所驗爲萬物獲福于無



方之原招太極之清泉以興稼穡之根倉廩實知禮節衣食

足知榮辱

續漢書祭祀志注  
御覽五百三十四

按六韜文王既出姜里周公旦築爲靈臺又淮南子文王

爲玉門築靈臺以待紂之失東漢世明堂靈臺各有令一

人掌候日月星辰皆屬太史世祖中元元年初營明堂辟

雍靈臺章帝建初三年宗祀明堂禮畢登靈臺望雲物則

其禮惟漢爲盛也後世直以爲觀星之臺云

天子得靈臺之禮則五車三柱明制可行不失其常水泉川

流無滯寒暴暑之災陸澤山陵禾盡豐穰

續漢書  
祭祀志注

按天官書西宮咸池曰天五潢五潢五帝車舍火入旱金

兵水水中有三柱柱不具兵起

正義曰五車五星三柱九星在畢東北占五車均明柱皆見則倉廩實不見其國絕食兵見起

晉志三柱一曰三泉天子得靈臺之禮則五車三柱均明有常其中五星曰天潢南三星曰咸池魚圍也

明堂所以通神靈感天地正四時出教令崇有德章有道衰

有行

初學記十三類聚三十八御覽五百三十三

明堂者八牕四闔牕通八卦之氣布政之宮在國之陽面三室四面十二法十二月也天子孟春上辛於南郊懸十二月之政還藏于祖廟月取一政班于明堂也諸侯以孟春之月朝于天子受十二月之政藏于祖廟月取一政行之閏月無常數則闔門而居之

見御覽五百三十三卽上節注文

按考工記周人明堂度九尺之筵東西九筵南北七筵堂  
崇一筵五室凡室二筵室中度以几堂上度以筵又月令  
曰孟春之月天子居青陽左个仲春之月天子居青陽太  
廟季春之月天子居青陽右个孟夏之月天子居明堂左  
个仲夏之月天子居明堂太廟季夏之月天子居明堂右  
个中央土天子居太廟太室孟秋之月天子居總章左个  
仲秋之月天子居總章太廟季秋之月天子居總章右个  
孟冬之月天子居元堂左个仲冬之月天子居元堂太廟  
季冬之月天子居元堂右个

五祀南郊北郊西郊東郊中兆

注東郊去都城八里南郊七里西郊九里北郊六里中兆

西南去城五里

正謀五者天子公侯伯子男卿大夫士所以承天也

兆者作封畔兆域也謀者方欲迎氣齋戒自端  
正謀慮其事也。○書鈔九十御覽五百二十七

按月令章句東郊去邑八里因木數也南郊七里因火數也中兆五里因土數也西郊九里因金數也北郊六里因水數也

又按孔穎達禮記疏天神有六祭之一歲有九昊天上帝冬至祭之一也蒼帝靈威仰立春之日祭之於東郊二也赤帝赤熛怒立夏之日祭之於南郊三也黃帝含樞紐季夏六月土王之日亦祭之於南郊四也白帝白招拒立秋之日祭之于西郊五也黑帝汁光紀立冬之日祭之于北郊六也王者各稟五帝之精氣而王天下於夏正之月祭于南郊七也四月龍星見而雩總祭五帝於南郊八也季

秋大饗五帝於明堂九也地神有二歲有二祭夏至之日祭崑崙之神於方澤一也夏正之月祭神州地祇於北郊二也或云建申之月祭之與郊天相對冬至祭昊天上帝者是也

刑法格藏世作頌聲封於泰山考績柴燎禪於梁甫剋石紀號英炳巍巍功平世教

○大戴禮保傳注引禮緯

按白虎通封禪必于其上何因高告高順其類也故升封者增高也下禪梁甫之山基廣厚也天以高爲尊地以厚爲德故增泰山之高以報天附梁甫之基以報地三皇禪於繹繹之山明已成功而去有德者居之繹繹者無窮之意也五帝禪於亭亭者制度審謔德著明也三王禪於梁

甫之山者梁信也甫輔也輔天地之道而行之也

殷爵三等殷正尙白白者兼正中故三等夏尙黑亦從三等

周爵五等各有宜也

○白虎通爵篇禮王制疏

周爵五等凡南面之君五者法五行之剛曰凡北面之臣五

者法五行之柔曰

鄭注是其總法五行也分之則法五剛甲丙戊庚王也其諸侯之臣法五柔乙丁巳

辛癸是也

禮有九錫一曰車馬二曰衣服三曰樂則四曰朱戶五曰納

陛六曰虎賁七曰弓矢八曰鈇鉞

○詩早麓疏禮曲禮土疏後漢書荀彧傳注袁紹傳

九曰秬鬯皆所以勸善扶不能

○莊元年公羊傳疏

宋均注云諸侯有德當益其地不過百里後有功加以九

錫進退有節行步有度賜以車馬以代其步其言成文章

行成法則賜以衣服以表其德其長於教誨內懷至仁賜以樂則以化其民其居處修理房內不泄賜以朱戶以明其別其尊賢達德動作有禮賜以納陛以安其體其勇猛勁節執義堅強賜以虎賁以備非常其內懷至仁執義不傾賜以弓矢使得專征其抗揚威武志在宿衛賜以鈇鉞使得專殺其孝慈父母賜以柎鬯使之祭祀皆如有德則陰陽和風雨時四方所瞻臣子所望則有景星之應柎鬯之草是也

按周禮九儀一命受職再命受服三命受位四命受器五命賜則六命賜官七命賜國八命作牧九命作伯又公羊說九賜之次與含文嘉不同一曰加服二曰朱戶

三曰納陸四曰輿馬五曰樂則六曰虎賁七曰斧鉞八曰  
弓矢九曰糗噐

天子射熊諸侯射麋大夫射虎豹士射鹿豕

○白虎通  
鄉射篇

按白虎通天子所以射熊何示當服天下巧佞之臣也諸  
侯射麋者示遠迷惑人也麋之言迷也大夫射虎豹者示  
服猛也士射鹿豕者示除害也大夫士射兩者人臣示爲  
君親視事身勞苦也或曰臣陰故數偶也

牙旗者將軍所建也

○語見初  
學記武部

旗有九名日月爲常交龍爲

旂通帛爲旂雜帛爲物熊虎爲旗烏隼爲旗龜蛇爲旐全羽  
爲旛析羽爲旌

○續漢書輿服志注  
以爲鄭注含文嘉文

按爾雅充幅曰旒繼旒曰旒注旒首曰旌有鈴曰旒錯鳥



革曰旃因章曰旃又墨子云守城之法水爲蒼旗火爲赤旗薪樵爲黃旗石爲白旗水爲黑旗食爲菌旗死士爲蒼纛之旗競士爲虎旗多卒爲雙兔旗吾人男女爲童旗弩爲狗旗盾爲羽旗車戟爲祚旗

山澤者三皇五帝之感應也

御覽七十六

人君政尊則日月貞明

御覽八十七

天子崇有德彰有道顯有功褒有行則太微七星明少微處

士有德星應

御覽八十七

玉石得宜則太白常明

初學記二十七御覽八百四

內外之制各得其宜則山澤出白龜寶石

御覽八百七十三

綏五車明五禮則五禾應以大豐

御覽八百七十三

按天官書南宮朱鳥權衡

孟康曰軒轅爲權太微爲衡

衡太微三光之

廷其內五星五帝坐晉志曰天子動得天度止得地意從

容中道則太微五帝坐明以光

又

天官書廷藩西有隋星

五曰少微士大夫晉志云少微四星在太微西正義曰在

太微南北列南第一星處士第二星議士第三星博士第

四星大夫明大而黃則賢士舉也太白爲玉石未詳

按瑞應圖玉龜者師曠時出河東之涯爲聖圖出河負錄

讖書宋志元嘉中白龜見吳興則亦與靈龜同瑞矣宋志

玉英者五常並修則見碧石者玩好之物棄則至嘉禾者

五穀之長王者德盛則二苗共秀於周德三苗共穗於商

德同本異穰於夏德異本同秀

制度因材勿以逆應其明勿以類感其方也

○御覽三百四十

推之以上元爲始起十一月甲子朔旦夜半冬至日月五星

俱起牽牛之初計日月右行也

鄭注上元大素以來至所求年○御覽一白虎通日月篇

按易鑿度曰堯以甲子天元爲推術

注云甲子爲葭首起十一月朔又歷

原名握先紀曰甲子

握先爲歷始之名始言無前者

七十六歲爲一紀二

十紀爲一葭首

古微書卷十七終

